



सानसेयारि

बड'सा

सानसेयारि "बड'सा" ख्रीलाइयाव अमाज्यारि जिज्जो लोब्बा थानाय रायथाय, ब्रन्थाय, अल', अल'बाथा आरु दावबायारि थावनि, पार्क बाइदिनि सायाव लिबनाय लिबिदां दैथाय हर/ सानसेयारि "बड'सा" ख्रीलाइया खेबखानावै फोस्रावगोन्/

बड'सायाव लिबनायनि हुवा खालाम, "बड'सा" ख्री नोथां, जौ बयबो आंगो खालाम/

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Monday ★ 10 February, 2025 Kokrajhar, BTC, Assam ★ Vol.- 33, Issue No. 311 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-



नोंथानि दिहुन्थाइ बेसादखो गासै भारतआवनो होनो थाखाय साबसिन राहानि नोजोर?

स्पीड पोस्ट

पस्टेल डिभिजननि फोनांजाब:

काछार: 9954218838, दर: 9706494845, डिबुगढ़: 9435038085, गवालपारा: 9386018655, गुवाहाटी: 8860713507,

नगाव: 8638952108, नलबारि: 9707461440, RMS GH: 6003484526, RMSS: 9774717621, सिबशागर: 8399863882, तिनचुकिया: 9613466933

आसाम पस्टेल सार्केल
f @cpngassam



बांसिन ग्राहकफोरनि थाखाय

- दानो बुक खालाम उनाव हो
- बेसेन नाडै पिकआप
- गोसो बोनो हाथाव 30% रेहाय

बांसिनै मिबथिनो थाखाय स्केन खालाम



गिबि मन्थि डु हिमन्त बिश्व शर्मानि लाफैनायाव राइज्यो सरकारनि गागि बिबानगिरिफोरजो आध्यात्मिक गुरु सतगुरुआ सावरायलायदों



सोमोन्दै सदगुरुआ गावनि नोजोरखौ मख'नानै बेफोरो सुबुं सिबिथाय होनायनि बिथिडाव राइज्यो खुं थायनि गासै खामानिखौ माबोरें मोजां गोहोम खोख्लैयो बेनि सायाव समान गियान होयो। बेनि अनगायैबो बिथाडा मोजां खुंथाइखौ थि खालामनायनि बिथिडाव आध्यात्मिक सान्नाय आरो माखासे गोनांथि आयदानि सायाव सावरायलायो। हाबाफारियाव बाहागो लाफैनाय राइज्यो सरकारनि गागि देहा थासारि आरो सोलायनायनि (□ 6 बिलाइआव)

दिसपुर, 9 फेब्रुवारि: आध्यात्मिक सदगुरुआ दिने आसामनि गिबि मन्थि डु हिमन्त बिश्व शर्मानि बाहागो लाफैनायाव लकसेवा भवनआव राइज्यो सरकारनि गागि

बिबानगिरिफोरजो मोनसे सावराय जथुम खुं नानाय हाबाफारियाव बाहागो लादों। घन्टसेनाडै खुंनाय हाबाफारियाव सासे सुबुंनि देहा सिंनि गाहाम देहा थासारि आरो सोलायनायनि

बि टि आरनि गाहाइ प्रमद बर' आरो एबसुनि आफादगिरि दिपेन बर'आ मिरु नख'र मन्थि अमित शाहखौ लोगो हमदों मिरु एबसुनि खुंगा 57थि बोसोरसालिया जथुमायाव बाहागो लाफैनो हांखायदों



कक्राझार, 9 फेब्रुवारि: दुलाराय बर' नख'र मन्थि अमित शाहखौ गोदान फरायसा आफादनि आफादगिरि दिपेन बर'नि दैदेनायाव एबसुनि मोनसे थान्दै हान्जा आरो बि.टि.आरनि गाहाइ मावफुं सोद्रोमा प्रमद बर'आ दिने मिरु सरकारनि (□ 6 बिलाइआव)

खौसेथि बर' सुबुं आफादनि गोदानै दाजानाय मिरु मावफुं आफादनि दैदेनगिरिफोरा समायखिरा लाबाय

फेगौ एसेमब्लिन गेजेरजो बि टि आरनि बाइजोआव थानाय बर'फोरनि थाखाय मोजां फिथाइ थायाब्ला सोमावसारनायखौ जागायगोन: मनुरन्जन बसुमतारि

गौतम बसुमतारि/गुवाहाटी, 9 फेब्रुवारि: गुवाहाटीनि आहम गामियाव थानाय बर' साहित्य सभानि हारिमुआरि न'ब्लांआव दिने खौसेथि बर' सुबुं आफाद सुंद'थै इ.बि.पि.अनि मोनसे जर'खा मेल जानानै थाडे। मख'नो गोनांदि, थानाय 26 जानुवारिखालि धेमाजि जिल्लानि सिमेन चापरियाव इ.बि.पि.अनि जर'खा थान्दै मेलजो सायख'जानाय गोदानै



दाजानाय मावफुं आफादनि दैदेनगिरिफोरखौ दिने समायखिरा लाहोनायजो लोगोसे बिबान गथायनाय जायो। इ.बि.पि.अनि नेहाथारि पिताम्बर ब्रह्मनि सामलायनाय (□ 6 बिलाइआव)



आसाम सरकार

निखावरिफोरनि खाथियाव आसाम सरकार
दावगाथायनि बिथिडाव राइज्यो सरकार

10
अक्ट'

पेन्सन आरो
अरुनदयनि सान



मुलाम्फा मोन्नाय मुलाम्फायारि
43,16,566



दानफ्रोमबो होनाय रां
380.55 कौटि

दानफ्रोमबो 10 अक्ट'खालि मुलाम्फायारिनि एकाउन्टसिम मोन्नो गोनां रां

बिथांखिफोर

मुंखलं
कुशल कुंवर
सार्वजनिक
बैसो गोरा
पेन्सन

माहारियारि बेंगुरा,
रान्दि आरो बैसो
गोरा पेन्सन
बिथांखि

इन्दिरा मिरि सार्वजनिक रान्दि पेन्सन
आरो दिनदयाल बेंगुरा अन्साय बिथांखिखौ

अरुनदय बिथांखियाव सोसन्नाय जादों

अरुनदय



सुजुगिरिनि खोलोम

जइनिं हाबाफारि

दासान्दि जॉनि बड'लेन्ड हालामाव फेगो बिटिसि बिसायख थिखो लानाने दानिफ्रायनो ओन्सोलनि दोलोफोरा साखा-फारा जानायव नाथबदो। माखासे दोलोफोरा बिजाथिनि आर 'जलाइ आजवावनायसिम सिगांनयखोबो नुनो मोन्नाय जादो। मेल-मितिं आरो जइनिं हाबाफारिखो नोजेराव गोलैयोब्ला बिसायख थिया माखासे साननि गेजेरावो खुंजासिगोन बादिबो सानांगो जायो। फेगो बिसायख थिनि दोहोयानो दासान्दि बिटिआर हालामाव दोलो बारस्लायनायनि होंगो-दोंगो जालायनाय थारि फेनायखो नुनो मोन्नाय जादो। थानाय बिधान सभानि उफ्रा बिसायख थिनि उन-सिगांनिफ्रायनो बिटिआर हालामाव ओन्सोलारि दोलो बिपिएफनिफ्राय दोलो नागरानाने गुबुन मोनसे ओन्सोलारि दोलो इडिपिएलआव हाबफेनायनि आन्थोर दिनेसिम सोलिबाय थानायखो नुनो मोन्नाय जादो। मोनसे समआव गोखो होन्नाने सानजानाय बिपिएफ दोलोनि गागि आरो गोखो दैदेनगिरि होन्नाने मिबथि जानाय आथिखालनि आसाम बिधान सभानि बुंथिगिरि आरो रइज्यो सभानि सिगांनि एमपि बिश्वजित देमारिनिफ्राय लानाने रइज्योनि खेबथाम केबिनेट मन्थि जानाय चन्दन ब्रह्मनि उनाव आरोबाव मैयासे बिटिसि आगु लोहाइ गहाइ मावफुं सोद्रोमा आरो बिपिएफनि लेडाइ आफादगिरि महरे बिबान सामलाय बोनाय खाम्फा बरगायसिमोहा सासेनि उनाव सासे फारि-फारिये दोलो नागरानाने सोलिफु समाव गोखो महरे मोन्नाय इडिपिएल दोलोआव जइन जाफेनाने दोलोखो गोखोसिन खालामफेनाय थारि नुनो मोन्नाय जादो। नोजेराव गोलैनाय बादिबेला गागि आरो दोलो दाफुंगिरि महरे गोहोम गोनां दैदेनगिरिफोरा दोलो नागरानाने गुगालानाय बिपिएफ दोलोआव खहा फेखागोन, गोहो गोलोन्दां जागोन। बे थारिआर बिपिएफनि थारिआर दुखु नांथाव आरो गनायनो बाथावब्लाबो नाथाय बेयो सेशो। गोबांथार गोजो सारिनि दैदेनगिरिफोर, बिबानगिरिफोर आरो अन्सायगिरिफोर बिपिएफ नागरानाने गुबुन दोलोआव जइन जाहैनाय बादिनो इडिपिएलनि गोबां सोद्रोमा आरो मदतगिरिफोरबो बिपिएफआव जइन जाहैनायनि दाबि खालामदो। बे दाबिनिफ्राय मिबथिनो मोनो- मोनैबो दोलोनिफ्राय थालाय-फैलाय जानाय एबा मोनैबो दोलोआवो जइनिं जाफेलायनाय सोलिबाय थारो। बेनि गेजेरावो रइजो-राजानि नोजेराव गेवलाइ नुजासाराय बादिबे दोलो नागरानाय बिपिएफखो बांसिन खहा जानानायखो सावरायनाय नुनो मोनो। मानोना इडिपिएलनिफ्राय दासिम गोजो सारिनि दैदेनगिरिफोर दोलो नागरानाने गुबुनव थानायखो नोजेराव गोलैयाखे। बेनि सोलाये बिपिएफनि माखासे सिगां सारिनि दैदेनगिरिफोरा दोलो नागरानाने गुबुन गुबुन दोलोफोराव थाडालासेनो ओन्सोलारि दोलो इडिपिएलआव जइन जाफेनाने बिटिआर हालामनि फारफ्रेमबो बिथिनि जौगानायनि हाबा मावनो आरो बेनि रइजो-राजा सुबुंफोरखो सिबिनायनि थॉंखिये इडिपिएलनि दैदेनगिरिफोरजो आखाइ हम्फेनायखो नुनो मोन्नाय जादो।

मोनसेनिफ्राय गुबुन मोनसेआव जइनिं जालायनायनि सोलिफु थारिआर बिटिसि बिसायख थि खुंजासिम मावादि महरे लाहेगोन बेखो बुंनो हानांगोया गोब्राव, बेनि थि फिनायखो समआसो मिबथि होसिगोन। राजखाथियव जाथावे गैया होन्नाय बादिनो जइनिं जानाय, दोलो नागरानाय, गोखोसिन होन्नाने गावखो दाबिनाय, बिटिसिनि खुंथाय गोहोआव फेनाय, गावजो-गाव सॉंखारिनायनाय जायो। बे रोखोम थारिआर बर'फोरनि गेजेराव' सोलिआ, गुबुन गुबुन ओन्सोल, रइज्योफोरवबो बिसायख थिनि सम फेयोब्ला बिबि थारिआरखो नुनो मोन्नाय जायो। दैदेनगिरिफोर राजखाथिखो लानाने बेरेखा दोलोनि हाबा-हुखाखो गावसोरनि मुलाफ्फानि थारिआर सानसे गात्रि होन्नाने बुडेब्लाबो अखानायैनो जोबोद मोजां होन्नाने बाखायनाय राजखाथि गेलेनाय जॉनि हादतआव गोबां नुनो मोन्नाय जायो। बेखायनो राजखाथिखो समाजआरि जिउनिफ्राय आलादा लाखियोब्ला राजखाथिनि दावराव-दावसि जॉनि गेजेराव फेगोनखो नुहय। राजखाथि दोलो आरो दैदेनगिरिफोर सोलाय-सोल' जालांबाय थारो, दिने मोनसेया गोहोयाव फेयोब्ला गाबोन गुबुन मोनसेयाबो खुंथाय गोहोयाव फेगोन, बेनो राजखाथि। नाथाय रइजो-राजा सुबुंफोरा सानायवा-मदतआव गुबुन गुबुन जायोब्लाबो समाजआव गोरोबनाने थारिफनांगो जायो।

दिनेनि फान्जामुथि

राशि बाइदिये मुनि गिबि हांखो
मेघ : अ ल **वृष :** ऊ ब (उ ए इ) **मिथुन :** क छ (ड घ)
कर्कट : ड ह **सिंह :** म ट **कन्या :** प ट (ण ष)
तुला : त र **वृश्चिक :** ब न **धनु :** ध भ (ङ फ)
मकर : ख ज **कुम्भ :** ग श (स) **मीन :** द च (ख ज झ)

- मेघ:** माबाफोर बरनाम-बरसि मोन्नो हागौ। गोसोखो हम्थाना था। सांग्रां जानांगोन।
- वृष:** जेरावबो हेंथा-एबा अजद मोन्नो हागौ। सान्नाय खामानिफ्रा जाफुंनय नडा।
- मिथुन:** जेखियानो जाया गोथार खामानि मावनाने लानो हागोन। बे रशिनि थारिआर मोजां सान।
- कर्कट:** मोजां रोंग थि जानो हानायनि सन्मान मोन्नो हागोन। मोजां सान।
- सिंह:** देहायव बोरैबाफोर जोखोम मोनबाय बायनो हागौ। जेरैबो सांग्रां जानाने थानांगोन।
- कन्या:** बबेबा गोजान जायगायाव दावबाय हैनो मोन्नो हागौ। गोजोन्नायखो मोन्नो हागोन।
- तुला:** माबा मोनसे मोजां खामानिनि थारिआर मावनाने लानो हागोन। दिनेनि दिनाव शुभ सम।
- वृश्चिक:** मोजां खामानियाव आगान सुर्योनाने लानो हागोन। सान्नाय जाफुंनय नडा।
- धनु:** जेरैथेबो सांग्रां जानाने थानांगोन। सुथुरआ जोबनाय नडा।
- मकर:** गोसोआव माखोबा सानाने गिखानाय मोन्नो हागौ। जेखियानो जाया लोरबां जानो नाडा।
- कुम्भ:** बायदिसिना खामानियाव हेंथा मोन्नो हागौ। सान्नाय जाफुंनय नडा।
- मीन:** गोबां खामानि मावनानो हागौ। देहाखो मॅनाय मोनगोन। गोसोखो शान्ति मोन्नाय नडा।

दिल्लीआव मिरुनि यजनाफोरा जाफुंसारनायनि लामायाव फैबाय

गोदान दिल्ली, 9 फेब्रुवारी : दिल्लीयाव देरहासारनाया बिजेपिनि थारिआर जेसेबां गोनां एसेबांनो दिल्लीयारिफोरनि थारिआरबो गोनां, मानोना बिसोरो बै मिरुयारि यजनाफोरनि मुलाम्फाफोरनिफ्राय जानगाराव थानानाय नडा, जायखो आम आदमी पार्टीनि सरकारा गावसिनि खुंथाइनि समाव बिसोरनिफ्राय जानगाराव लाखिदो। बै यजनाफोरनि गेजेराव बोराय-बुरै आरो सरासन्सा सुबुंफोरनि सावस्त्रिजो लोब्बा गोनां आयुष्मान भारत, पिएम श्री बायदि गहाइ स्किमफोरजो लोगोसे सहारि जौगाखां, आबाद आरो हाथामेला मावख'जो लोब्बा गोनां गोबां मिरुनि यजनाफोरबो दं। थाबैनो दिल्लीनि सुबुंफोरा



बेफोरनि मुलाम्फाफोरखो मोनो हासिगोन। लोगोसेनो जमुना दैमानि साखोन-सिखोन हाबाफारि आरो आबहावा गेब्रेनाय बायदि आयदाफोरव हाबाफारिखो गोखेये जागायनाय नुनो मोनसिगोन। दासिमाव मिरुनिफ्राय रांखाथिखो एबा स्किमनि मुडाव रांखाथि लाबोदोब्लाबो दिल्लीनि आप सरकारा बेनि फारसे नोजोर होयाखेमोन। बावैसो सिगां

मिरुयारि यजनाफोरनिफ्राय जानगाराव लाखिनाय आयदाखो गोखोडै देखदोमोन। बिथाड बुंदोमोनदि, आयुष्मान भारत बायदि जाय यजनानि मुलाम्फाफोरखो हादतनि बयबो मोनगासिनो दं बे समाव दिल्लीनि सुबुंफोरखो बेनिफ्राय जानगाराव लाखिदो। दिल्लीनि आप सरकारनि सोलोंथाइ आयदायाव साबसां होनायनि दाबि देखानायखो लानानेबो बिथाड सांथि खालामदोमोन आरो उन्दै फोरखो सावरायनायाव दिल्लीआव फरायसाफोरखो 9 थि थाखोनिफ्राय पास

आर जि कर केसनि भुगिनांनय आइजो डक्टरनि बिमा बिफाजो आरएसएसनि गाहाइआ लोगो हम्दो

कलकाता, 9 फेब्रुवारी : राष्ट्रीय स्वयंसेवक संघ (आरएसएस) नि गाहाइ महन भागवतआ शनिबारव आरजि कर मेडिकल कलेज एन्ड हस्पिटलआव दुथांफोरनि मैहुर जानानाय आइजो डक्टरनि बिमा-बिफाजो लोगो हम्हैदो। थानाय बोसोरनि 9 आगस्टआव



फोरमायदोदि, भागवतआ भुगिनांनय डक्टरनि सायाव अनागार खालामनायखो लानाने गोथो दुखु मोन्नाय फोरमायदो आरो बिमा-बिफाजो थार बिजिरनायनि थारिआर लोगोसे गसफानायनि बाथा बुंथिदो। थैनाय आइजो डक्टरनि बिमाया भागवतआ कलकाताआव फेगोनखो मिबथिनाने बिथांखो लोगो हम्नो खावलायहरदो मोन। मख 'जाथावदि, कलकातानि गंसे बिजिरसालिया बे केसनि सासेल' दायनिगिरि सन्जय

मणिपुर पुलिसआ गुबुन गुबुन अपारेशनआव साथाम उतरारिफोरखो हम्दो

इम्फल, 9 फेब्रुवारी : मणिपुर पुलिसआ 8 फेब्रुवारीखालि इम्फल-सोनाब जिल्लाफोरनि माखासे ओन्सोलनिफ्राय गुबुन गुबुन होबथाजाना आफादफोरनि सा 3 सांग्रां उतरारिफोरखो हम्दो। होबथाजानाय आफाद इडनाइटेड नेशनेल लिबरेशन फ्रन्टनि (इएनएलएफ-पाम्बे)



नि साने सांग्रां सोद्रोमाफोरखो इम्फल सोनाब जिल्लानि चन्द्रनिदि गामि साखाथियाव नार कं जिलनिफ्राय हम्दो। हम्जानाय सुबुंफोरखो 23 बोसोरनि कइसनाम रनाल्ड सिंह आरो 30 बोसोरनि सराम एनगौबा मेइतेइ होन्ना मिबथिनो हादो। बिसोरखो इम्फल ओन्सोलाव सरासन्सा सुबुं, सरकारि बिबानगिरिफोर आरो गलादारफोरनिफ्राय जर-जुलुमै रां खानायवा थंजोडे लोब्बा थाफानायनि अनगाथे जर-जुलुमै

रां बोखानायनि थॉंखिये हाथियार आरो गुलि-बारदफोरखो आइन बेरेखा सिमागिलं खालामनायाव थाफानायनि दायव हम्दो। पुलिसआ बिसोरजो लोगोसे माखासे लेखा बिलाइ गंसे .32 पिस्टल, मेगजिन, गंसे साखा खबने गारि, गंने मबाइल फन आरो 3,120 नोगोद रां थानाय गंसे पास बोखानो मोन्दो। गुबुन मोनसे अपारेशनआव पुलिसआ नागामापाल आरे उरिफक ओन्सोलाव न'भाय थानाय ख'था आरे गलानिफ्राय जर-जुलुमै रां खानायवा थाफानायनि दायव

हामासनि बेंखननिफ्राय सा 5 थाइलेन्डनि नोगोरारिफोरा उदां जाबाय



बेंकक, 9 फेब्रुवारी : इजराइल आरो हामासनि गेजेराव सोलिबाय थानाय दावहानि गेजेरावो बेंखनआव दोनजानाय सुबुंफोरखो हगारहरनाय हाबाफारियाबो सोलिगासिनो दं। गाजायाव 1 बोसोरनिबो बाउसिन समसिम हामासनि बेंखनआव लाखिजानायनि उनाव थाइलेन्डनि सा 5 लेबारफोरा रबिबारखालि बेंककसिम सौहैयो। आंगो नख'रनि सुबुंफोरजो लोगो मोन्नाने बिसोरनि मोखाइव गोजोन्नायनि मोदै बोहैदो। थानाय 19 जानुवारीआव गाजायाव मोनैबो हान्जाया गिबिये दावहा दोन्थ 'ज्तायनायनि गेजेरजो बेंखनआव दोनजानाय सुबुं आरो सारिन्थ फोरखो हगारनाय हाबाफारिया सोलिगासिनो दं।

मेडिकल टेस्ट खालामनाय जादो। मख 'जाथावदि, 2023 नि 7 अक्टबरआव हामासनि उतरारिफोरा खोला इजराइलआव गाग्लोबनाने सा 31 थाइ नोगोरारिफोरखो लांखारदोमोन। थाइलेन्डनि बिसोर आबादारि आरो लेबारफोरा खोला इजराइलनि किबुत्जिम आरो बेनि बायजो गामिनि थागिबिमोन। हामासनि उतरारिफोरा बयनिखुइबो गिबिसिनै बैफोर जायगायावो गोलोबदोमोन आरो बे समनिफ्रायनो बिसोरो हामासनि बेंखनआव दोनहैजादोमोन।

बिजापुरनि नक्साल एनकाउन्टरआव सा 12 नक्सालिफोर थैदो



बिजापुर, 9 फेब्रुवारी : मोन्थाम खोलोबारि पन्चायत बिसायख थिनि सिगां सिगां बिजापुरनि नेशनेल पार्क

महाराष्ट्र बर्दारआव सा 12 नक्सालिफोरखो जिउ फोजोबनो हादो। फारसेथिं साने जवानफोरबो जिउ बाउनाडो आरो गुबुन सानैआ जोखोम जायो। जोखोम जानाय जवानफोरखो एयारलिफ्ट होनो थारिआर जगलदपुरनिफ्राय एमआइ-17 हेलिकप्टरखो दैथाइहरदो। बस्तार संभागनि आइजिपि सुन्दर राजआ गुलि गावज्जायनाय बागै रोखा खालामदो। अदेबानि सार्ज

माखासे राइज्योफोराव बोथोर बिफाना आखाणि सांगांथि होदो



लोगोसे मेरथआवबो सोलिफु फेब्रुवारी दानाव सोनाब नारसिन्थाइनि गोहोम गोखोमोन। राजस्तानआवबो बोथोर गहामैनो थगोन। नाथाय सिखर जिल्लानि पाटेहपुरआव बिदुंआ 3.2 डिग्रि सेल्सियसजो लोगोसे बयनिखुइबो गुसुसिन जायगा महरे थिसनजादो। बोथोर बिफाना हारियाणा आरो पान्जाबि बोथोरव सोलाय-सोल' नुनो मोन्नायखोबो फोरमायदो। फेगो 11 फेब्रुवारीनि गेजेराव पान्जाब-हारियाणा सिमना बाहागोआव जोमै साग्लोबना थानो हागौ। बिहारआवबो गोखे बार बारनायजो बांसिन गुसु मोन्दोथिनो हागौ। नाथाय साननि समाव सानदुं ऑंखारनायजो गुसुखो जोबोद खम मोन्दो।

आसा फोरमायदो। बेरफारसेथिं इउपिनि बोथोर बिफाना राइज्योनि बांसिन बाहागोआवबो बोथोरा गहामै थागोनखो हम्दोदो। बबेखानि राइज्योनि माखासे बाहागोफोरव गोखे बार बारनो हागौ, साननि समाव सानुं ऑंखारनायनिबो आसा दं। अदेबानि बोथोर बिफाना फेगो 24 घन्टानि गेजेराव हिमाचल प्रदेश आरो जम्मु-काश्मीरनि माखासे बाहागोफोरव अखा हानायनि

दिल्लीआव बिजेपिनि देरहासारनायखौ गिबि मन्थि कान्दुआ जारिमिनारि होन्ना बुंदों

इटानगर, 9 फेब्रुवारी : अरुनाचल प्रदेशनि गिबि मन्थि पेमा कान्दुआ दिल्ली बिधान सभा बिसायख'थियाव भारतीय जनता पार्टी एबा बिजेपिनि जारिमिनारि देरहासारनायाव गोजोन्नाय फोरमायदों। बिथाड गाहाइ मन्थि नरेन्द्र मदिनि बिबुंथि होनायफोरखौबो गयखांदों, जेराव बिथाड पार्टीनि गेरैन्दिनि फारसे गावसिनि बिबान थानायखौ रोखा खालामो आरो फोथायनाय होनाई सबका साथ, सबका विकास मडेलआ राजथावनि सहरनिफ्राय गासैबो जौगाखांनायखौ रोखा खालामगोन। गिबि मिन्थया गावनि मावख'यारि एक्स हेन्डेलआव बुंदोंदि, गाहाइ मन्थि मदिआ बिजेपि मावख'निफ्राय बिबुंथि लाखिनायाव पार्टीनि यमुना दैमाखौ फोथोफिन्नाय, मुलुगनां थाखोनि गुदि-बिथा लुनाय आरो दिल्लीनि नोगोरिनि थाखाय मोनसे गोगो, रैखाथि आरो गुण गोनां आबहावा दानायनि



थांखिफोरखौ रायखाडो। बिथाड महिला शक्ति आरो गेजेर थाखोनि सुबुंफोरनि फारसे गावनि जर'खा हामब्लाइथिखौ बाउहरदों। बिनि अनगायै गिबि मन्थि कान्दुआ हाबाफारियाव गोखों दोहौखौ नुनानैबो गोजोन्नाय फोरमायदों, जेराव पार्टीनि मावफारियाफोरा गाहाइ मन्थि मदिखौ हेफाजाब होनाई बुंनय स्ल'गानआ रिंखांदोंमोन। बिथाडा 8 फेब्रुवारीनि मोनाबिलियाव बियो बिजेपि मावफारियाफोरनि थाखाय

गोसोआव लाथाव बोसोर जागोन होन्ना बुंदोंमोन, मानोना दिल्ली बिधान सभा बिसायख'थियाव पार्टीआ 27 बोसोर गोबाव समनि उनाव देरहासार जानो हादों। 8 फेब्रुवारी 2025 नि मोनाबिलि समआ ओरैबायदि गोसोआव लाथाव, जायखौ बिजेपिनि साफ्रोमबो मावसुमाफोरा गोबाव समसिम गोसोआव थिनानै लागोन होन्नाईबो गिबि मन्थि कान्दुआ दुइट खालामदों।

मेघालय हाइकर्टआ आइन बेरेखा बिफां दान्नायखौ होबथादों

शिलं, 9 फेब्रुवारी: मेघालय हाइ कर्टआ सान्जा खाशि हाजो जिल्लायाव बिफां-लाइफाफोरखौ आइन बेरेखायै दान्नायखौ सोंखारिनानै बुडोदि, राइज्यो सरकारआ बिफां-लाइफां दानफायनायखौ छि एबा आइन बेरेखा नड होनाई जेबो फोस्मान होनो हानाय जायाखै। कर्टआ आबहावा संरैखाथिनि गोनांथियाव नोजोर होदों आरो मेघालय सरकारनो बै गोहोम गोम्लैनाय एबा बिफां-लाइफां लांदां जानाय जायगाफोराव बिफां गायफिन्ना बिथोन होदों। कर्टआ बुंदोंदि, जुदि बिफांफोरखौ आइन बेरेखायै एबा नेमखान्थियारि नडै राहायै दान्दोंब्ला बेयो मिथिगायारि नडै। गाहाइ बिजिरगिरि आइपि मुखार्जी आरो बिजिरगिरि डब्लिउ डिंपदहनि मोनसे खन्डपीठआ लवार निउ कलनी, लैतुमखरायाव आइन बेरेखा बिफां दान्नायनि लोब्यायाव गेराल्डिन जी शावंआ थिसनाय



पिआइएलनि सायाव हियारि होदोंमोन। कर्टआ आयगाया गोब्राब जानायनि जाहोनाव गासै सान्जा खाशि हिल्स जिल्लाखौ लाफानायनि थाखाय आर'जलाइनि बेंखनखौ फुवारना होयो। शाबंनि आर'जलाइनि सायाव बे बाथाखौ नोजोर बोदोंदि, दानफायजानाय माखासे बिफांफोरा 100 बोसोर एबा मुगा मोनसेनि बांसिन गोजाम आरो मख'जाथाव आबहावायारि, जारिमिनारि बेसेनबो दडमोन। बिथामोनहा

बाथा बानबुंथिबो होयोदि, मेगालय बिफां (संरैखाथि) आइन, 1976 खौ सिफायनानै बिफांफोरखौ जानला-मोनला

दानफायदों। बे आइन एबा खान्थिफोराव बुंनय जादोंदि, सासे डिफानो बिफां दान्नायथि होनायनि सिगां गांसे

आर'ज (फर्म-I) मोनगोनांगो आरो बेखौ नायसंनंगो। अजद होग्राया दायबो जाबसिन्नाई बुंदोंदि, बे हाबाफारिखौ एबा प्रसेसखौ गनायथिनाय जायाखै। नेमखान्थि गनायाजासेनो बिफांखौ दानफायदों आरो हेंथा सोमजिनाय एबा बिफाननिफ्राय गिदिर खैफोद जाथावनि बागै सुबुंफोरा अजद होनायनि उनाव दानफायनाय जादोंमोन। राइज्योनि एएजिआ गांसे हल्फनामा दिन्थिदों, नाथाय कर्टआ बेखौ गनायजाथाव मोनाखै।

इउएनएलएफ-एमपिएआ गावनि मुंखलं जवानफोरनो सेलुट होदों

इम्फल, 9 फेब्रुवारी: दिने 9 फेब्रुवारिआव होबथाजानाय कइरेनजों दैदेनजानाय इउनाइटेड नेसनेल लिबारेसन फ्रन्ट (इउएनएलएफ) नि हाथियार ब्रांस, मनिपुर पिपुल्स आर्मी (एमपिए) आ बयबो मुंखलंफोरनो बिग्रायारि सेलुट होयो। एमपिए/इउएनएलएफआ दाफुंजानायनिफ्राय मनिपुरनि गोमानाय सबारेन्टखौ लाबोफिन्ना थाखाय सुथुफोरनि बेरेखायै 200 नि बांसिन दावहायाव सा 330 केडारफोरनि जिउ गोमाबाय। इउएनएलएफनि एमएसिआ बुंदोंदि, बेयो आथिखालनि दावहायाव जिउ गोमानाय गासैबो सुबुंफोरनि फारसै खौसेयै थाफानायखौ फोरमायथिदों। रंसारिफोरनि जिउमाआ गोजोने



थानायनि आरो मान होनाई गुबुन गुबुन मावख'फोर आरो केम्पफोराव 2 मिनित कन्डलेन्स खालामो। लोगोसेनो दुखु फोरमायथिनायनि इसार महरै पार्टीनि फिरफिलाखौ ससेल' उरायहोयो। एमएसिआ उदां सोमावसारनायनि समाव गाव-गावनि जिउ बाउनाय बिग्रायारि आफादफोरनि गासैबो दैदेनगिरिफोर आरो सांथिफोरनि फारसै समान आरो

गाहाम हामलायथि होयो। बेयाव मनिपुरनि गासैबो जांखिखांया जोहोलाव सांथिफोरखौ बाखायदों, जाय 27 निफ्राय 31 जानुवारिनि गेजेराव इनजों 200 बमा होनाई गावनि होबथौजानाय केएनए (बि) आ दखलआव लानाय सांथि हान्जाफोरनि केम्पआव गाग्लोबनायाव गोखों साहसजों हाबा मावदों आरो जुजिदों।

मणिपुर-म्यानमार सिमनायाव आदिबासि आइजोफोरनो सेल्फ डिफेन्स ट्रेनिं होदों

इम्फल, 9 फेब्रुवारी : आसाम राइफल्सनि आइजो मावथिफोरा शनिबासखालि खोला सान्जाआव म्यानमारजों नांजाबनाय सिमना ओन्सोलाव मणिपुरनि कामजं जिल्लानि सडें गामिनि राइज्योयारि न'ब्लां आव आदिबासि आइजोफोरनो सेल्फ डिफेन्स ट्रेनिं होयो। बे हाबाफारिया आसाम राइफल्सनि बान्जायनायाव आइजोफोरखौ गोखों एबा गावनि आथिं आव गसंथानो हानाय खालामनाय, राइज्योयारि रैखाथिखौ बांहोनो बिसोरनि सोलिगासिनो थानाय नाजानायनि गेजेरजों सेल्फ डिफेन्सनि गेजेरजों गसंथानाय आयदानि सायाव मोनसे सेमिनार खुंनयनि मोनसे



बाहागोयारि महरै खुंफुनाय जादोंमोन। बेयाव सा 30 जायगानि आदिबासि आइजोफोरा बाहागो लादों। फेजिकेल दिन्थिफुनाय आरो

इन्तरेटिभ सावरायनायनि गेजेरजों बाहागो लानाय सुबुंफोरनो गोनांथार सेल्फ डिफेन्स टेक्निकफोरनि बागै ट्रेनिं होनाय जादों, जायखौ

मोगथानि गुबुन गुबुन थासारियाव बाहायनो हागौ। मोनसे रैखाथि विंआ फिन्नायाव बुंदोंदि, सडेंनि आइजोफोरा बे प्रग्रामखौ जोबोद बाखायदों

आरो बिसोरो बेबायदि बेसेन गोनां प्रग्राम खुंनयनि थाखाय आसाम राइफल्सनोबो साबायखर होदों। आथिखालनि मुगायाव सेल्फ डिफेन्स एबा गावखौ रैखा खालामनायनि गियान थानाय गोनांथार आरो बेबायदि प्रग्रामआ बिसोरनि थाखाय गावनि सायाव फोथायनाय आरो रैखाथियाव मख'जाथाव बिहोमा होयो।

मेघालय माल्टि-क्ररे लामा गेना-खान्थि केसआव सिआइडिआ बाउसिन सम बिदों

शिलं, 9 फेब्रुवारी : सिआइडिआ इसार होनाई बुंदोंदि, शिलं-नंस्टइन्-रंजे-तुप लामा बानायनायजों लोब्ला गोनां गोबां कौटि रं गेना-खान्थि केसनि नायबिजिरनायखौ आबुं खालामनो थाखाय बिनो बांसिन समनि गोनांथि जाबावगोन। मेघालयनि डिजिपि, इडासिसा नंग्रानि बिथोन होनायनि उनाव सिआइडिआ बे केसखौ गावनि आखायाव लादों। नायबिजिरनाय एबा केसखौ गथायनाय थांखिखौ सा 9 सुबुंफोरनि हेंथायै मोनसे केस थिसन्नायनि उनाव लानाय जायो, जेराव टिकादार, गागि सरकार इन्जिनियर आरो कर्पेट बिबानगिरिफोराबो दंफायो। बिसोरनि सायाव बिथांखिनि थाखाय फैनय धोनखौ आइन



बेरेखायै बाहायनायनि दाय जाबसिन्नाय जादों। मिडिया रिपोर्टफोरनि बायदिब्ला, नायबिजिरगा ब्युर'आ आथिखालाव बे केसखौ नायबिजिरगासिनो दं। मख'जाथावदि, बै बिथांखिया

गोबाव बोसोरनिफ्रायनो मावफुं जायाखै एबा आद्रा जानानै दं। माखासे सोदांनाय एबा सावरायनायनि उनाव 2,366.77 कौटि रानि बे स्किमखौ लाबोनाय जादोंमोन आरो बेखौ लुफुनायनि समाय-

सिमाखौ 2014 सिमावनो थि खालामदोंमोन। 2024 नि सेप्टेम्बरआव पिडाब्लिउडिनि गाहाइ बिबानगिरिया राइज्यो सरकारनि बिथोन होनायनि उनाव बे केसखौ थिसन्दोंमोन।

मेक्सिक'आव लामानि गिदिर जाब्रबथायाव सा 41 सुबुंनि जिउ ख'हा



गोदान दिल्ली, 9 फेब्रुवारी : मेक्सिक'निफ्राय गिखंथाव लामा जाब्रबथाइनि खौरांआ सोरांआव फेंदों, बे जाब्रबथायाव गासै सा 41 सुबुंफोरा जिउ गोमाबाय। सा 48 दावबायारिफोरजों बुंफननाय बासआ हाइवेआव ट्राकजों सौग्रावलायो। जाब्रबथाइनि खौरां होनायनि गेजेरजों ताबास्कनि सिडव थानाय कमलकालक'नि मेयर अधिडि'पेराल्टआ बुडोदि, बे बासआ 48 सुबुंफोरखौ लांगासिनो दंमोन, जायनि उनाव

बे बासआ गंसे ट्राकजों सौग्रावलायो। बेनि उनाव बे जाब्रबथायाव सानै ड्राइभरजों लोगोसे सा 41 सुबुंफोरनि जिउ गोमायो। बासआ रोहो-रोहो खामनानै सेव हांखार जायो। अदेबानि दासिमाव सा 18 गोथै सह'फोरखौल' रोखा खालामनाय जादों, फारसेथिं दाबो गोबां गोथै सह'फोरा गोमानानै दं। बासनि अपारेटर दुसं एकस्टआ फेसबुकआव

मोनसे पस्टआव बे जाब्रबथायाव जिउ गोमानाय सुबुंफोरखौ लानानै गावनि मोन्दांथि एबा सिमपेथिखौ फोरमायदों। बास अपारेटरआ बुडोदि, जे जाब्रबथाया जादों बेनि थाखाय जोबोद दुखु मोन्दों। लोगोसेनो बेखौबो बुडोदि, बिथांआ बिबानगिरिफोरजों लोगोसे लोगो नांनानै मिबथिनो थाखाय खामानि मावगासिनो दंदि, मा जाहोननि थाखाय बे जाब्रबथाया जादोंमोन आरो बासनि गोखैथिया बेसेबांमोन। जाब्रबथायनि थाखाय दायनिगिरि सुबुंफोरनि बेरेखायै गोखोडै नायबिजिरनाय जागोन। जाब्रबथायाव भुगिनांनाय सुबुंफोरनो अन्सुथाइ होनाय जागोन होन्ना सुलुनिफ्राय

मिबथिनो मोन्दों। खौरांनिफ्राय मिबथिनो मोन्नाय बायदिब्ला, जोखोम जानाय सुबुंफोरनो गोनांथि बायदिथै हेफाजाब होनाय जागोन। रिपोर्टनि बायदिब्ला जोखोम जानाय सुबुंफोर मिबथि होयोदि, अरआ गोखैथैनो बासआव खामनो हमदोंमोन। बासखौ अरआ साग्लोबजोबो आरो सुबुंफोरनि हसिखावनाया लासै लासै सिरि जालांनो हमो। रावबो बिसोरखौ रैखा खालामनो आवगायलांनो हायाखै।

आमेरिकायाव गंसे फिसा फरां जाहाजनि जाब्रबथाय जादों

वाशिंन्टन, 9 फेब्रुवारी: सोनाव अलास्काआव गंसे फिसा उरां जाहाजनि जाब्रबथाय जादों आरो बेनि बायखोन्दाफोरखौ शुक्र बारखालि लैथोमानि बरफनिफ्राय बोखांनो मोन्दों। बेयाव गाखोनाय गासै सा 10 सुबुंफोरा जिउ गोमाबाय। आमेरिका बोसोर रैखाथि हान्जानि बुंथिगिरि माइक सालेनंआ बुडोदि, रैखाथि हान्जाफोरा हेलिकप्टरनि गेजेरजों उरांनि जोबथा लकेसनाव नायगिदि हैनाय जादोंमोन। बे समावनो बायखोन्दा थुखाफोरखौ नुनो मोन्दों। नायबिजिरनो थाखाय सानै



रैखाथि सानसिग्राफोरखौ गाहायाव ओंखारहोनाय जायो। बेरिएयारिनि सिंगेल-इन्जिन टर्बप्रप उरां जाहाजआ बृहस्पतिबारखालि

सान्जौफुनि 2:37 रिगासोआव अनलाक लिटनि फाय दावबायलांदोंमोन आरो 1 घन्टानिखुडो खमसिन समनि

उनाव बेजों सोमोन्दो गैया जायो। बेसमाव बिदुख माइन्स 8.3 डिग्री सेल्सियसमोन आरो खुवानि गेजेराव सरसनस्ता बरफनि अखा

हादोंमोन। आमेरिकायाव थानाय 8 साननि गेजेराव बेयो थामथि खेब उरां जाहाजनि जाब्रबथाय जानाय। 29 फेब्रुवारिखालि हादतनि राजथावनिनि खाथियाव कमांसिएल जेटलाइनार आरो सांथिफोरनि हेलिकप्टरजों सौग्रावलायनाय जादोंमोन। बेयाव सा 67 सुबुंफोरा जिउ गोमादोंमोन। 31 जानुवारिखालि फिलाडेल्फियाआव गंसे मेडिकेल ट्रान्सपोर्टनि उरां जाहाजनि जाब्रबथाय जादोंमोन, जेराव गाखोनाय सा 6 सुबुंफोरा आरो गाहायाव थानाय माखासे सुबुंफोरा जिउ गोमादोंमोन।

IGNOU
UNIVERSITY

(Online) FRESH ADMISSION IN
B.A., B.Sc., B.Com., M.Com., M.A., M.Sc.
(ENGLISH, HINDI, ECONOMICS, POLITICAL SCIENCE, PUBLIC
ADMINISTRATION, SOCIOLOGY, HISTORY, RURAL DEVELOPMENT, M.SCHS, M.SCBCH, M.SCCHEM, M.SCGG,
M.COM Etc.) Under IGNOU

January 2025 Admission Cycle Last date for submission
of Application : 15th February, 2025

Free Admission for SC/ST Candidates in undergraduate Programmes, PG Diplomas, and
Diplomas and Certificate Programmes. Contact IGNOU Regional Centre Guwahati or any
IGNOU Study Centre.

Link for Online admission
For ODL Mode: <https://ignouadmission.samarth.edu.in/>
For Online Mode: <https://ignouip.samarth.edu.in/>

Co-ordinator
IGNOU Study Centre (9414)
Kolkata Govt. College

** For details Contact
Mob No. 970669203

लैथो आरो लैथोमानि गेजेरनि मिबथिनो गोनां फारागथि

जों गुदि फ राय सार्लिन फ रायनो बिजाबफोराव लैथो आरो लैथोमानि बागै फरायनो मोनबोयो। बबेबा जायगानि बागै सावययनायावबो जों लैथो आरो लैथोमानि बाश्राफोरखौ लानानै सावरायो। नाथाय लैथोआ बबेयाव दं आरो लैथोमाया बबेयाव बेफोरनि बागै रोखा मिबथियो। फारसेथिं लैथो आरो लैथोमानि गेजेराव मा फाराग दं बेखौबो खायसे सुबुंफोरा मिबथियो। बबेखानि आथिखालाव लैथो-लैथोमा सेरनि बालाबारियाव थानायखौ बयबो मोजां मोनसै। गोबां सुबुंफोरानो लैथो-लैथोमा सेरसिम थानायनि खाबु मोनाखैब्लाबो भिडिअफोराव बेनि गोजौ गोजौ गुथाल सिखानाय आरो जोबोद गुवार बाहागोआव गोसारना थानायखौ बयबो नुबाय। लैथोमायाव



खालामनाय वाटर स्पर्टसखौबो गोबां सुबुंफोरा मोजां मोनो। गाहायै जों लैथो आरो लैथोमाया माखौ बुडो बेखौ रोखायै मिबथिनाया गोनां। लैथोनि दैआ गोबाब आरो बांसिन लैमाफोरा बेयाव गोरोबहैयो। लैथोआ लैथोमाफोरनिफ्राय जोबोद फिसासिन आरो थौलेसिन। बेयो मोनसे औरैबायदि जायगा जेराव ना, लैथोमायारिजिबआरि जानाय मुवाफोरखौ मोनो। नाथाय लैथोमाफोराव बेफोरखौ मोना। लैथोनि थालाखौ ज'खा सुनानै

मिबथिनो हायो आरो लैथोमानि गोथौथिखौ सुनाया गोब्राब। मुलुगनि बयनिखुडुबो गोथौसिन होन्ना गनायजानाय प्रशान्त लैथोमानि गोथौथिखौ ज'खा सुनो नाजानाय जादोंमोन। बिगियानगिरिफोरा मारियाना ट्रेन्स मुंनि मोनसे जायगायाव सौहैदोंमोन आरो गोथौआ 36,200 फुटमोन। नाथाय बे लैथोमानि गुबै गोथौथिखौ सुनो हानाय जायाखै। मख'जाथावदि, मोनबा लैथोमा दं। बेफोर जादों प्रशान्त

लैथोमा, भारत लैथोमा, आर्क टिक लैथोमा, आटलान्टिक लैथोमा आरो एन्टार्कटिका लैथोमा। बेफोर लैथोमायाव जिबफोरनि आलादा मुलुग दं, जायखौ थालासिम थाडोब्लासो नुनो मोनो। मख'जाथावदि, लैथोफोरा एबा बेनि थालाया बबेबा बाहागोजों सरजाबानै थायो। नाथाय लैथोमाया बा बाहागोजों सरजाबा। लैथोफोरनि गोरोबनाया लैथोमानि महर मोनो।

रंजालि गथ'फोरनि सौरा

माब्लादि सोरांगोन ?

माब्लादि सोरांगोन ? मेगना मेसेबनाय गैलिया हरसे थारला माब्लादि गिसिरगोन ? गग्रानि दावला फेराया दाबोनो गाबलिया। हज्रिखावनायसो खोनादों आं दुब्लि फारसे हर खोमसिनि सिखारि सियाल सैमानि। घरि खाटाया गिदिना आं मिथिमोने माब्लाबानो नै रिंगायाव नांबाय थेवबो मेगना मेसेबनो दाबोनो हालिया गोरबोनि गोथार बिसनायाव आंनि बे सोलेरा दं देबोरनाहाबनाय मिजिंखौ बिखायाव बजबना। माब्लादि सोरांगोन ? हांखुर जादों गोसोआव खोमायाबो आंनि उनदुनाय गैया गोजानाव सोरनिबा रायलायनायफ्रा रेजेरफैदों आरो लामाजों खारनाय गारिनि सोदोबाबो खम नड गोजां बोथोरनि खुवा साग्लोबनाय हर थेवबोनो उनदुनाय गैया। सोरांगोबा सोरांगोबा नेबाय दं आं हरफा थोलो सान जारौखौ बरायनो माब्लादि सोरांगोन ?

अरन खेरकातारि बाक्ससा

खोन्दोसे खन्थाइ

फागुनि जाहाबनाय-फुरहाबनाय मान्दार बिबार, सोमलि बिबार जानानै बारफे नों रजे..... आंनि गोरबो लांगोनायाव आरो गाब गोनाडें साजाय फै नों आंनि बायग्रेबनाय फिसा देरा ...।।

अनिल ब्रह्म बर' बाजार सोलोंसालिमा, चिरां

जों सुबुं हारिनि मोनसे लैखोन

जों सुबुं हारिनि मोनसे लैखोन मोजां मावबा हले थाब नुस'ना जों सुबुं हारिनि मोनसे लैखोन मोजां मावबा हले थाब नुस'ना बायगर मावबा हले थाब नुस'ना

-रैदोम बर', बाक्ससा

लाथिख'आव गोमालांबाय

गमायै रंजानायाबो खोमसि हरनि आंगोर मोनदा खोमसि हराव जैरे मोफ्लामगासे सोरां होनाय हान्थिनाय जिउनि मोननांगो मुनामफाया लाथिख'आव गोमालांबाय।

सबिराम बर' राबां, बाक्ससा

बर' हारि

बर' हारिया मुलुगाव थानानै थायाब्ला जागोन बर' हारिया आलाइ सिलाइ बर' हारि गावनि थैखौ अननो रोडब्ला हारिनि मोदैया जागोन लैथो- लैथोमा,, बर' हारिया फरायनो रोडब्ला मावनो दानो सोलोडब्ला, हारिया जागोन मुलुगाव बिबाययारी। बर' हारिया मालायनि हाथियार जानानै दामाव मालाय हारिनि सायाव इनाय हाबा, बर' हारिया दासान मालाय हारिखौ फोजोबनो दासान मुलुगाव बाइखोन्दा नोशोन गालानो। बर' हारिया राजउलाफादखौल' सिनायोबा जागोन बर' हारिया आलाइ-सिलाइ, गोदाव सोराव, बर' हारिया रां रुपाखौल' सिनायोब्ला जागोन बर' हारियाव थैनि बाना। बर' हारिया हारिखौ अरायबो फोथानो नाजायाब्ला हारिया बुहुमाव गोमोरलांगोन। बर' हारिया खौसेथि जानो हायाब्ला नॉनि आंनि थंखिया फेलें जागोन, बर' हारिया खौसेथि जायोब्ला हारिया अरायबो जौगाखंगोन।

मिस बिरबाना बसुमतारी फरायसालि- गौरां गोजौ फरायसालि गामि- लाउरि फारा (थिनाली)।

जिउनि थांखि

श्री बिरखां कुमार ब्रह्म

नॉनि गोसोखौ सुफुं जेरावबो सैथोयै, जेरावबो गोम्गो आखलजों, जेरावबो मोजां आरो सैथोजों, जेरावबो अन्नाय आरो मानहोनानै, आरो जेरावबो सान्नो हानाय गोहो एबा सोलो मोनायजों। मावबाय था गारसैबो मुवाखौनो नों सोलों आरो सानबाय था खोनायाव आरो नुनायफोरखौ। अब्ला इशोरआ गोजोनगोन नोंजों लोगोसे।

निबोम बसुमतारी गामि- आमलाइगुरि (सालाकाति) लां- सै- सालाकाति कक्राझार बि टि सि आसाम। जिला-

केरेबियान लैथोयाव गोख्रों बांग्रिनि उनाव सुनामिनि सांग्रांथि होदों



निफ्राय 1 मिटरसिम जौखानो हागौ होन्नाबो आसा खालामदों। प्युट रिक्नि गभरं जेनिफार गन्जालेस कलनआ मोनसे फिन्नायाव बुंदोंदि, सुनामि फैनानयनि सांग्रांथि होनायनि उनाव बिथाडा इमार्जन्सि एजेन्सिफोरजों फोनांजाब खालामदों। नाथाय बिथाडा रावखौबो बोरिमा नागारनो थानो बोसोन होयाखै। डमिनिकान सरकारबो सुनामिनि सांग्रांथि होदों आरो लैथो सेर बोरिमायाव थाग्रा सुबुंफोरनो 20 मिटरनिबो जौसिन आरो 2 किल'मिटर सिडाव गोजौ ओन्सोला थाना थाहैनो बोसोन होदों। लोगोसेनो जाहाजफोरनिफ्राय जानगाराव थानो आरो फैनो गोनां माखासे घन्टासिम लैथोमायाव हाबहैयैनिबो बोसोन होदों। क्युबा सरकारबो सुबुंफोरखौ लैथोमा बोरि ओन्सोलखौ नागारनो खावलायदों।

मेक्सिक', 9 फेब्रुवारी : केमेन आइलेन्डनि खोला-सोनाब हा थानाय केरेबियान लैथोआव गोख्रों बांग्रि मावदों। 7.6 रिक्टरनि बांग्रि फेनायनि उनाव माखासे द्विप आरो हादतफोरा सुनामि फैनानयनि सन्देह' लानानै लैथोमा सेर एबा बोरिमानि सुबुंफोरखौ हादतनि गुबुन ओन्सोलाव थानो खावलायनाय जादों। इडएन भुम बिगियान

सार्भे (इडएसजिएस) आ बेनि खौरां होदों। इडएसजिएसआ बुंदोंदि, बै बांग्रिया जायगानि सम बायदियै शनिबार मोनाबिलि समनि 6:23 रिंगायाव मावदों आरो बेनि मिरुआ हा सिडव 10 किल'मिटर गोथौआवमोन। बिगियानगिरिफोरा बे बांग्रिनि मिरुखौ केमेन आइलेन्डनि जर्ज टउननिफ्राय 130 माइल खोला सोनाब फारसे हमदानो हादों।

आमेरिकान माहारियारि सुनामि सांग्रांथि मिरुआ बुंदोंदि, आमेरिकानि गाहाइ हा बाहागोनि थाखाय जेबो रोखोमनि सुनामिनि सांग्रांथि होनाय जायाखै। नाथाय प्युट रिक् आरो आमेरिकान द्विप हान्जानि थाखाय सुनामि फेगोननि सांग्रांथि होना रैखाथि जायगायाव थाहैनानयनि बोसोन होनाय जादों। बै समाव लैथोमानि गुथालआ 0.3

संसारनि लामाया गोथों नड।

मिथिंगानि बिखाया बेसेबां समायना दानो गोजा दानो गोमो, दानो गोसोम बाइदि गाबनि महर लायो। सुबुंनि जीउआबो दानो गाबनाय, दानो मिनिनाय, बेसेबां समायना। संसारनि लामाखौ रावबो सान सनो हाया, बयनिबो खाफाला समान नोंहा मिनि रंजा सोरबाया गाबनाय सोरबा रसा नांदों, गुबुनआ मोनजादों। नोंहा सानसे गाबगोन, सानसेआवनो नों मिनि फिनगोन। नोंहा दासो मिनि रंजा, दानो नों मा, जागोन जेबो मिबथिया बेफोर जादों खाफालनि लिरनाय आरो इसोरनि माया गेलेनाय। संसाराव धोनि आरो गरिब मानसि थायो। बेफोर जादों खाफालनि लिरनाय मानसि हारिआ गावजों गाव धोनि, गरिबफोरखौ लानानै सानना लायो। गरिबखौ गरिब होन्नानै सानना दाला धोनिखौ धोनि होन्नानै दुगा दाजा। बेफोर जादों सानसे साननैनि थाखायल' संसारनि लामायाव सोरबा गाबनांदों सोरबा मिनि नांदों, बेखौ रावबो मिथिनो मोना।

श्री बिरदाव ब्रह्म फरायसालि-आलाय आरण गोजौ फरायसालि ला:सो:- दुमारी गुरी जिला- क' करझार बि टि सि आसाम

सुबुंथिनि हास्थायनाय

नै सुबुंथिनि थान्दै नों थारैनो बर' हारिनि गेजेराव उजिनानै राव, थुनलाइ, हारिमुखौ, भुमाव गेरेमसा खालामनो नाजानाया औरैनो थंगाराखै। नै सुबुंथिनि थान्दै नों दिने भुमाव थानाय गारसैबो बर' माहारिखौ खौसे खालामनानै गावजों गाव एना एनि सानलाइनाय सानसिखौ फोजोबस्रानानै हारियाव गोम्गो गोथार अनज्जायनायनि थासारि लाबोनो नाजानाया आद्रा जानानै थालांबाय। नों दिने बर' नि गोल्सैसोफिननो नागिरनाय रावखौ नॉनि मेंनाय बानाय गैयै, हाथा-हामा सान-हर नाजाथाबनानै हाबा मावनायनि जाउनाव बर' रावआ भारत संबिजितनि 8 थि आवथायाव सरकाजों गनाय जानाय राव हिसाबै भुम दरबाराव जायगा मोनबाय। नै सुबुंथिनि थान्दै नॉनि हास्थायनाय मिजिंकआ दिने जाफुसारनायनि रेगा नुजाबाय। नॉनि हास्थायनायाव आद्रा थालांनाय हाबाफारिफोरखौ अरायबो जों खौसेयै सुफुंलानो नाजागोन।

श्री महन चन्द्र ब्रह्म गामि- बंसिगाव

आसज्खान्दा जिउ

जोनोम मोनबाय आंलाय, बुहुम बिखायाव जोनोमगिरि बिमानि अन्नायाव नाथाय खाफालाव गैया आंहा थानानै थानायनि बे जिउ मोनसेयाव। खांगिरि बिमाया खांदोंमोन आंखौ गावनि बिखानि अन्नाय होनानै नाथाय मेगन गोसा सोरजिगिरिया राहा होयाखिसै आंनो थानानै थानायनि। आस' खान्दा जानांबाय दिने आंनि जिउआ सान्नायफोरा जाफुजोबाखिसै आंहा दिने खालि नुनो मोनबाय आंलाय बुहुम बिखानि महर मुश्रीखौ जोनोम लाफिन्नायनि राहा गैया आंहा बे बुहुम बिखायाव जानांबाय आं दिने आलाय-सिलाय गोजौ नखरानि जोमै राजा जाफुजोबाखिसै दिने आंनि सान्नाया मोनाखिसै आं लुबैनाय अनजालिखौ फैमाल थांबाय आंनि सान्नाया गारिबो जोनोम मोनसेयाव आस' खान्दा जानांबाय दिने आंनि जिउआ।

मुश्री फाखन बसुमतारी

सुफुंगोन आय बिमानि मोदैखौ

जोनोमगिरि आय बिमा जोनोम होदों नों जोंखो बे फैलाव बुहुम बिखायाव। सुकु दुखुनि गेजेरजों फेहेरदों फोलावदों नों जोंखौ आय बिमा जोनोमगिरि सुफुंदोंमोन नों आय बिमा फिसानि गांनाय उखैनाय। नाथाय दिने मानिबा दुखु दाहायाव आयनि मेगननिफ्राय बोहैदों दुखुनि मोदें। रावबो मिथिया आय बिमानि दुखुनि मोदेंखौ। जेब्लाबो जाखां फैयो आयनि मोखाडव जोमै दाखिफबना। नाथाय आं दिने आय बिमानि गांनाय उखैनाय दुखु दाहाखौ हमदानो हाबाय। जोनोमगिरि आय बिमा थैस थॉस नाजागोन आं जेब्लाबो नों बिमानि दुखुनि मोदेंखौ सुफुंनो

श्री महन चन्द्र ब्रह्म गामि- बंसिगाव

कक्राझारआव 'गेलेमु गौमा 2.0' खुंदों



कक्राझार, 9 फेब्रुवारी: गेलेमु बादायलायनायनि गेजेरजों लाइमोन जोलैखौ जौगाखां होनायनि गाहाइ थांखि लानानै राइज्योनाडै खुं'नाय 'गेलेमु गौमा 2.0' (खेल महारन) खौ कक्राझारआवबो खुं'नाय जादों। बे थासारियाव दिने चान्दामारियाव थानाय रियेलिटी पाब्लिक स्कुल लांगोनायाव 'जनेल लेभेल फ्रि स्टाइल' सानस्त्रिनाय बादायलायनाय खुं'नाय जादों। मख'नो गोनांदि, 14 बोसोर आरो 17 बोसोरनि सिडाव थानाय सेंग्रा-

सिख्लाफोरनि गेजेराव 50 आरो 100 मिटर सानस्त्रिनाय बादायलायनाय खुं'नाय जादों आरो बे बादायलायनायाव कक्राझार, चिरां आरो धुबुरी जिल्लानि सेंग्रा-सिख्लाफोरा बाहागो लादों। मख'नो गोनांदि, बादायलायनायनि गेजेरजों गेलेगिरिफोरा गाव गावसिनि रोंगौथिखौ दिन्थिनानै जाफुंसारनो हानाय सेंग्रा-सिख्लाफोरा इयुन समाव राइज्यो थाखोआव बाहागो लानो मोन्नायनि खाबु मोनगोन। दिनेनि सानस्त्रिनाय बादायलायनायाव गसाइगाव

बिधान सभा बियाबनि एमएलए जिन बसुमतारिजों लोगोसे जिल्ला खुं'थाइनि बिबानगिरि आरो गेलेमु बिफाननि बिबानगिरिफोरा बाहागो लाफेदों।

फैगौ 11 आरो 12 फेब्रुवारियाव कक्राझारआव जाग्रा आदारनि मेला खुंनो साखा-फारा

कक्राझार, 9 फेब्रुवारी: कक्राझारआव आसाम आदार रैखाथि कमिसनार बिफाननि सिडाव थानाय कक्राझारनि आदार रैखाथि बिफाननि बान्जायनायाव आरो कक्राझार जिल्ला

खुं'थाइनि हेफाजाबाव सान्नेनि हाबाफारिजों जाग्रा आदारनि मेला (इएट राइट मेला) खुं'नो साखा-फारा जादों। मख'नो गोनांदि, कक्राझार सहरनि

कक्राझार सरकारि गोजौसिन गेजेरारि आरो थांखि गोबां फरायसालिनि गेलेग्रा फोथाराव फैगौ 11 आरो 12 फेब्रुवारियाव खुं'जानो गोनां मेलायाव 'एफएसएसएआइ' नि गेजेरजों गनायथि होजानाय गुन गोनां थाखोनि आदार जानायनि थाखाय सुबुंफोरनि गेजेराव सांग्रांथि बांहोनायनि थांखिजों खुं'नाय जादों होन्ना कक्राझार आदार रैखाथि बिफाननि सुलुडाव

सोरजिदों। हारिमुआरि लामा हान्जा सुरनायाव कच राजबंसि, बर', असमीया, आदिबासि-सावथाल, माइनरिदिनि आरिमु-हारिमु दिन्थिनाया ओन्सोलनि गोदेत कालिफुखि ओन्सोलनि माखासे हारि-हारिसानि आरिमु-हारिमुजों गेदेत हारिमुआरि लामा हान्जा सुरनाया गोजोन, खौसेथि आरो गोरोबलायनायनि थासारि

गौसे थाखोनि राइजो-राजाफोरनि गोसोखौ बोनो हादों। लामा हान्जा सुरनाया जोबनायनि उनाव गोदान-गोजाम फरायसाफोरनि जथुम खुं'नाय जायो। बामुन बाखाव एम इ स्कुलनि गाहाइ फोरेंगिरि मुक्ति जामति रायनि सामलायनायाव खुं'नाय जथुमाव बाराग' फरायसा आरो आजिरा मोन्नाय गाहाइ फोरेंगिरि, समाज सिबियारि कर्न महन रायआ लिरनाय लिरबिदांखौ फरायसालिनि फोरेंगिरि आरो बाराग' फरायसुलि पुरिब रायआ फरायना होयो। गुन गोनाडै उथिनाय बाराग' फरायसा आरो इन्जिनियार महरै खामानि मावनाय हेमचन्द्र राय, बाराग' फरायसुलि, फोरेंगिरि दुगों बाला राय आरो गुबुन सासे बाराग' फरायसा सफिकुल इस्लामआ गोसो बोनो हानाय बिबुंथि होनानै फरायसालियाव फरायनाय आगुनि समखौ गोसोखाडो। मख'नो गोनांदि,

फैगौ 11, 12 आरो 13 फेब्रुवारिखालि नाइगाव बाटाबारिआव दानसां खेराइ फुजा फोर्बो खुंफुंनो साखा-फारा

कक्राझार, 9 फेब्रुवारी: गुबुन गुबुन बोसोरफोराव खेराइबोनाय बादिनो फैगौ 11, 12 आरो 13 फेब्रुवारी 2025 खालि सानथामनि हाबाफारिजों नाइगाव बाटाबारिआव थानाय जयनारायन गोसोखां नब्लांआव दानसां खेराइ फुजा फोर्बो खुंफुंनो हाबाफारि लादों। जेराव बे हाबाफारिनि गेवलां मेलआव गाहाइ आलासि महरै 9 नं बनरगाव बियाबनि एमसिएलए राजिब कुमार ब्रह्म, जर'खा आलासि महरै समाज सिबियारि चिलाराइ ब्रह्म, माननि आलासि महरै इउएनबि कलेज काजलगावनि लेडाइ बिबुंगोरा तरेन फुल गयारि, बिटिसिनि बाराग' आन्डार सेक्रे टारि ज्यतिप्रसाद ब्रह्म आरो माखासे गोजौ थाखोनि आलासिफोरखौ हांखायनाय जादों। बेनिखायनो बानजायग्रा आफादनिफ्राय राइजो-राजा गौसोखौ गोजौनि मख'नाय



अक्टआव नुजाथिफे नानै हाबाफारिखौ जाफुंसार खालामनो हांखायहरदों। बेनि थाखाय नाइगाव मिरु बिबार शिब बाथौ आफादनि आफादगिरि भवेश चन्द्र बसुमतारि, नेहाथारि त्रिजय बसुमतारि, लेडाइ आफादगिरि गान्धीचरन बसुमतारि, रांगिरि रनेश बसुमतारि, बोसोनगिरि तस्नीकान्त ब्रह्म आरो सोद्रोमा प्रहलाद बसुमतारिआ आफादनि जानानै मख'नाय सानखालि नुजाथिफे नो

हांखायहरदों। फैगौ 11 फेब्रुवारी मंगलबारखालि हाबाफारिआ फुंनि 9.00 रिंगायाव जानागुरु, बिमागुरु, भक्त सिबियारि थान्दै मुं आजावनायनि गेजेरजों जागायगोन आरो हरनि 11.00 रिंगायाव जामुं जानायनि उनाव हाबाफारिआ थुंगोगोन। बेनि अखानायै 12 फेब्रुवारिखालि हाबाफारिआ फुंनि 8.00 रिंगायाव आफादगिरि फिर्फला बिरहोनायनि गेजेरजों जागायगोन। जेराव बे

सानखालिनो गाहाइ आलासि महरै मानगोनां एमसिएलए राजिब कुमार ब्रह्मजों लोगोसे जर'खा आलासि, हांखायहरजानाय आलासि आरो माननि आलासिफोरा नुजाथिगोन। बेनि उनाव मोनाबिलिनि 7.30 रिंगायाव खेराइ फुजाआ जागायगोन। बे हाबाफारिनि जोबथा सान थामनिबा 13 फेब्रुवारिखालि माइनाव बोररुजनाय हाबाफारिनि उनाव माइनाव रन्नाय हाबाफारि थागोन आरो बेलासिनि 2.00 रिंगायाव बिमा गुरु, बिफा गुरुखौ मान होनाय आरो सिबियारिफोरखौ बिदाइ होनाय हाबाफारिजों सानथामनि बे मेहेरगोनां हाबाफारिआ थुंगोगोन।

आयारलेन्डनि मुंदांखा बक्सार जन कुनीआ रंसारि जाबाय



बेलफास्ट, 9 फेब्रुवारी: आयारलेन्डनि मुंदांखा बक्सार जन कुनेआ नाथन हाभेल्सनि हेंथायै सेल्टिक सुपर फेडाखेट बिमुं जेन्नायनि सप्ताहसे उनावनो रंसारि जाबाय। बिथांखौ बादायनाय उनाव आइसिडआव दोन्नाय जादोंमोनब्लाबो जोबथायाव रंसारि जाबाय। 28 बोसोर बेसोनि कुनीनि रंसारि जानायखौ

बिथांनि प्रमटार मार्क डनलपआ फोसावलाइनि गेजेरजों रोखा खालामो आरो बे समाव बिथांनि नख'र आरो आगोफोरनि जानानै दुखु मोन्नाय फोरमायो। फोसावलाइआव प्रमटार डनलपआ 1 सप्ताह जिउनि थासारिजों जुजिनाय उनाव बिथांनि रंसारि जानायखौ दुखु मोन्नाय फोरमायदों। बिथांखौ सासे अन्जाथाव फिसाज्ला,

फंबाय आरो लोगो महरै गावनि असे आंगोमोन होन्ना फोरमायनानै बेबादि थासारिआव बिथांनि जायखारनायाव गोसोआव गोबां दुखु मोन्नायखौ फोरमायदों। लोगोसे बिथांनि जिउमाखौ लोगोसे इस्वरआ गोजोनै लाखिथों होन्नानै आर'ज गाबो। मख'नाय जायोदि, उलस्टर हलआव कुनी आरो हाभेल्सनि गेजेराव गोखों पान्चिं होज्जालायनाय बादायनायाव मेचखौ 9 थि राउन्डआव बन्द फोसावनाय जादों। अब्लाबो कुनीआ बेनि उनाव सार्जारि खालामजानांनदों। बेबादि थासारिआव बिथांनि देहायारि थासारिआ नोर्जिया जादोंमोन। जायनि फिथाइ महरै जोबथायाव बिथाड रंसारि जादों।

अरुनाचल मारिसेल आर्टस हान्जाया नेसनेल गेम्सआव गोखोडै दिन्थिफुंदों

इटानगर, 9 फेब्रुवारी: अरुनाचल प्रदेशनि टाइकन्ड हान्जाया 38 थि नेसनेल गेम्स 2025 आव मास्टर क्लास दिन्थिफुंदों। जेराव पुम्से इभेन्टआव हान्जानिफ्राय गंनै सनानि मेडेलजों गौसै गंन्ने मेडेल देरहादों। बे समाव किन्सान वांसुआ आइजोफोरनि सिंगेल पुम्सेआव गंसे सनानि मेडेल देरहादों। आइजो हान्जाया गावसोरनि गोहोमखौ बेनि उनावबो गोखोडै लाखिदों। जायनि फारिआव राथाबंशिया, लुप्टर उली आरो असुम संगनि



साथाम गेलेगिरिनि हान्जाया आइजोफोरनि हान्जायारि पुम्सेआव सनानि मेडेल देरहादों।

बिथांमोननि अनगायै ऋकि नयडु आरो मिचिं ताजानि गलाय-गथाय जराआ मिक्ड

पेयार पुम्सेआव रुफानि मेडेल दाजाबदेरदों। जेराव आकाश कुमार राम, मिचिं ताजा आरो

कालिफुखि गोजौ गेजेरारि फरायसालिनि सनाथि माइथाय फोर्बो खुंदों हारिमुआरि लामा हान्जा सुरनाया खौसेथि-गोरोबलायनायनि थासारि सोरजिदों



थानाय 7, 8 आरो दिने 9 फेब्रुवारिखालि सानथामनि हाबाफारिजों खुंजानाय सनाथि माइथाय फोर्बोनि जोबथा हाबाफारियाव फरायसालिया गायसनजानाय समनिफ्राय लोब्बा थानाय सुबुंफोर आरो रंसारि जानाय नख'रनि सुबुंफोरखौ बराय मान बाउनाय जादों। आजिरा मोन्नाय फोरेंगिरि, मावसुमाफोरखौबो बे हाबाफारियाव मान बाउनाय जादों। बेलासियाव खुं'नाय गेवलां मेलाव बान्जाय आफादनि आफादगिरि अनन्त महन रायनि आफादगिरि मासि सामलायनायाव खुं'नाय मेलाव जायगानि आरो बिटिसिनि 12 नं. सालाकाटि बियाबनि एमसिएलए देरहासात बसुमतारि, बड'लेण्ड मुलुगसोलोंसालिनि लोगो बिबुंगिरि दिपामनि बैश्व, इउपिपिएल दोलोनि आइजो आफादनि आफादगिरि प्रतिभा रानी ब्रह्म, बासुगाव गोजौसिन गेजेरारि फरायसालिनि आजिरा मोन्नाय गोरायुं लक्षिमनाथ ब्रह्म, लेडाइ गोरायुं अमृत नारायन पाठगिरि, बिटिआरनि मावफुं सोद्रोमा उइलसन हासदा, केएसिनि बुंथिगिरि हितेश्वर बर्मनमोनजों लोगोसे माखासे जर'खा सुबुंफोरा बाहागो लाफेदों। बे गेवलां मेलावनो गोसोखां लाइसिबो बेखेवनाय जादों।

वर्ल्ड टेस्ट सेम्पियनसिपनि जारिमिनआव भारतनि गिदिर रेकर्डआ बायनानै फैदों

गोदान दिल्ली, 9 फेब्रुवारी: वर्ल्ड टेस्ट सेम्पियनसिप 2023-25 नि जारिमिनआव अस्ट्रेलियानि हान्जाखौ श्रीलंकायाव गोखोडै दिन्थिफुं'नाय नुनो मोन्दों। जेराव श्रीलंकाआ स्टीभस्मीथनि केप्टेनआव खेबने मेचनि टेस्ट सिरिजखौ क्लीनस्विपआव देरहानानै वर्ल्ड टेस्ट सेम्पियनसिपनि जारिमिनआव भारतनि मोनसे गिदिर रेकर्डखौ सिफायदों। बे टेस्ट सिरिजनि मोननैबो मेचआ गाले स्टेडियमआव खुंजादों। जेराव अस्ट्रेलियायनि गिबि मेचखौ मोनसे इनिंस आरो 242 रनजों देरहादों आरो नैथि मेचखौ 9 उइकेटजों देरहानो हादों। अस्ट्रेलियायनि हान्जाया वर्ल्ड टेस्ट सेम्पियनसिप 2023-25 आव फाइनाल मेचखौ फैगौ



जुन दानआव खोला आफ्रिकानि हेंथायै गेलेगोन। जेराव बेनि सिगाने टेस्ट सेम्पियनसिपआव बे हान्जाया बयनिखुइ बांसिन मेच देरहानाय भारतीय हान्जानि रेकर्डखौ सिफायदों। 2019-21 आव गेलेनाय गिबि वर्ल्ड टेस्ट सेम्पियनसिपनि सार्केलआव

भारतआ खेब 12 मेच देरहादोंमोन। नाथाय 2023-25 नि सार्केलआव खेब 13 देरहानायजों अस्ट्रेलियाआ भारतनि बे रेकर्डखौ सिफायो। श्रीलंकानि हेंथायै गालेनि स्टेडियमआव गेलेनाय नैथि टेस्टखौ अस्ट्रेलियाआ 9 उइकेटजों देरहानानैनो 14 बोसोरनि उनाव श्रीलंकायाव

टेस्ट सिरिजखौ गावसोरनि मुडाव लाखिदों। श्रीलंका निफ्राय केप्टेन स्टीभस्मीथ आरो उजमान क्वाजाआ गोखोडै बेटिं खालामदों। बे हान्जाया खेबने मेचनि वन्डे सिरिजखौ श्रीलंकायाव गेलेबावनाय उनाव सेम्पियन्स ट्रफी 2025 आव बाहागो लाफेगोन।

कामे बायांजों लोगोसे हौवाफोरनि हान्जाया ब्रन्ज मेडेल देरहादों। बिथांमोननि जाफुंसारनायखौ लानानै गिबि मन्थि पेमा खान्दुआ गोजोन्नाय फोरमायदों आरो बे फारिआव कच अटली मिस', रन्जित बिश्वकर्मा आरो तारक दतांनि बिहोमाखौ बाखायदों। बे समाव मन्थि खान्दुआ टुइटनि गेजेरजों राइज्योनि टाइकन्ड हान्जाखौ मोजाडै दिन्थिफुं'नायनि थाखाय साबायख'र होनायजों लोगोसे बरायदों।

1542/2 नं गुधुलिगाव गुदि फरायसालिया सनाथि मायथाइ फोरबो फालिदों

गामिनि बर' बिजोनि गुदि फरायसालिखौ फोथांना लाखिनो थाखाय गामिनि गुदि फरायसालियाव गावनि गथ 'खौ फोरोंनांगोन: फैला जे बरगयारि

सिमला, 9 फेब्रुवारी: बाक्सा जिल्ला मसलपुर महखुमानि बेन्दोंनि सिमला पुलिस थानानि सिडव थानाय 1542/2 नं गुधुलिगाव गुदि फरायसालिया सानसेनि मेहेर गोनां हाबाफारिफोरजों 50थि बोसोर सनाथि माइथाय फोरबो फालिदों। फरायसालिनि फोरोंगिरि हान्जा आरो गामिनि सुबुंफोरा जुथाइथै थाम सान सिगांनिफ्रायनो गुबुन गुबुन गेलेनाय आरो थुनलाइयारि हाबाफारिनि गेजेरजों गामिनि गुदि फरायसालिनि 50 थि बोसोर सनाथि माइथाय फोरबो फालिथाइखौ आबुथियै थियारि खालामबोनानै फालिनाय जायो। मोसानाय, गेलेनाय आरो थुनलाइयारि हाबाफारियाव बाहागो लानायजों लोगोसे ओन्सोलनि राइजोफोरनि हेफाजाबजों मेहेरगोनाडै जालाडो। मख'जाथावदि, ओन्सोलनि खौसेथिखौ बिथा खालामनानै दिने भलिबल गेलेनाय बादायलायनाय हाबाफारिया जालाडो आरो बेनि गिबि बान्थाया थाम रोजा आरो नैथि बान्थाया नै रोजा। गोबां गेलेगिरिफोरनि बाहागो लानायव बे भलिबल गेलेनाय बादायलायनाय मोजाडै मोजां जाफुंसारलाडो। दिने फुंभिलि समनिफ्रायनो गुदि फरायसालिनि फरायसाफोर, गामिनि राइजोफोरजों लोगोसे जथाइथै हारिमुआरि हान्जा सुरनाय हाबाफारिबो जालाडो। बे हारिमुआरि हान्जा सुरनाय हाबाफारियाव बर'नि बायदि



बायदि हारिमुआरि, आसारखान्थिजों सोमोन्दो थानाय माखासे दिन्थिफुंनयखौ दिन्थिनय नुनाय जायो। दिनेनि गेवलां मेलनि हाबाफारियाव मेल बेखेवगिरि आलासि महरै बाहागो लाफैयो खामारदैसा गोजू फरायसालिनि लोगो फोरोंगिरि चन्द्र कान्त बसुमतारि, गाहाइ आलासि महरै बाहागो लाफैयो 22 नं ककलाबारि बियाबनि एम.सि.एल.ए. मन्तु बर', थांखि जानाय बुंथिगिरि आलासि महरै बाहागो लाफैयो मुंदांखा फावगिरि फैला जे बरगयारि आरो माननि आलासि महरै बाहागो लाफैयो ओन्सोलनि गुबुन गुबुन फरायसालिनि गाहाइ फोरोंगिरि, लोगो फोरोंगिरि बिथांमोना बाहागो लाफैयो। हाबाफारियाव थांखिजानाय बुंथिगिरि आलासि महरै बाहागो लानानै मुंदांखा फावगिरि फैला जे बरगयारिआ गावनि बिबुंथियाव फोरमायोदि, जोंनि बिमा-बिफाफोरा गोसोआव मोनसे फोथयनाय लानांगोन आरो जोंनि गथ'फोरखौ गामिनि स्कुलफोराव होनो नाजानांगोन। मानोना जों जोंनि गोबां बिमा-

बिफाफोरखौ जोंनि सरकारि गुदि फरायसालिफोरखौ फोथयनाय गैयि आरो जोथोन गैयिनि थाखाय। गामिनि उन्दै उन्दै फरायसाफोरनो गोगो सोलोंथाइ होनो हायैनि थाखाय फेलें जानादों। मानोना गामिनि गोबां जायफोरहा थाखा-फैसा दं, एबा गावबा-गावखौ लेखा गोरों होनना सान्ना लाबाय बिथांमोना गावबा-गावनि गथ'फोरखौ गामिनि गुदि फरायसालियाव होयालासिनो गुबुन प्राइभेट स्कुलआव हैनायनि जाहोनाय गामिनि गुदि फरायसालिफोरखौ जोथोन लानांगौनि थाखाय फोरोंगिरिफोरनि सायाव नोजोर होनांगौनि थाखाय जानगाराव थानाय नुबोदों। जायनि थाखाय गोबां गुदि फरायसालिफोराव जोंनि उन्दै-उन्दै गथ'फोरनो गोगो सोलोंथाइ होनो हायाखै। ओंखायनो जों साफ्रोमबो गामिनि गुदि फरायसालिखौ फोथांना लाखिनो थाखाय गामिनि गुदि फरायसालियाव गावनि गथ'खौ फोरोंनांगोन। बिथाड बुंवावोदि, जोंनि गथ'फोरा गोगो सोलोंथाइ मोनबायब्ला एबा

खालामनोब्ला सोलोंथाइनि सायाव सावराय नांगोन, मोजां सोलोंथाइ होनांगौनि थाखाय फोरोंगिरिफोरखौ नोजोर होनो नांगोन। प्राइभेट स्कुल आरो सरकारि स्कुल फारागथि दं होनना आं सानानै। जायफोर प्राइभेट स्कुलाव गावनि गथ'खौ होदों बिसेरो गावनि गथ'खौ बांसिन जोथोन लादों। स्कुलाव दोनफैनायाव सानसे थोलो नेनाय आरो लानो फेनायफाजोनो ओंखाम लाबोफानाय आरो बेलासि समाव टिउस्वन होनाय। बेबादिनो सोरखारि स्कुलाव फोरोंनाय गथ'फोरखौबो बिमा-बिफाफोरा एके जोथोन लायोब्लानो प्राइभेट स्कुल आरो सोरकारि स्कुलनि गेजेराव जेबो फारगथि गैया एबा थानाय नड। मानोना जोंनि गेजेराव जेसेबां गोरों-गोरों मानसिफोर दं बै समाव गासैबो गामिनि गुदि फरायसालियावो फरायनानै जानाय। आरो बै समावबो बे बादि गामिनि गुदि फरायसालियाव सासे सानै फोरोंगिरिफोरानो दंमोन। अब्ला बै समनि फरायसाफोरा गामिनि गुदि फरायसालियावो फरायना दाक्टर, इनजिनियार जानो हादोंब्ला दिनेनि दिनावबो हायैनि जेबो जाहोन थानो हाया। खालि जोंनि बिमा-बिफाफोरा गावनि गथ'खौ मोजाडै जोथोन लानो नांगोन होनानै गावनि बिबुंथियाव फोरमायो फैला जे बरगयारिआ।

धेमाजि जिल्ला दुलाराय बर' आइजो अन्साइ आफादनि खुंगा 18थि 1 बोसोरारि जथुम्मा खुदों

गौतम बसुमतारि/सिमेन सापरि, 9 फेब्रुवारी: धेमाजि जिल्ला दुलाराय बर' आइजो अन्साइ आफादनि खुंगा 18 थि 1 बोसोरारि जथुम्माखौ दिने सानसेनि हाबाफारिजों जनाइ रामधन दिखारि गामि पन्चायटनि बेन्दोंआव थानाय उलुनि गामियाव मेहेर गोनाडै खुंफुंदों। हाबाफारि बायदियै फुंभिलि समाव आइजो अन्साइ आफादनि गोथारि फिफिलाखौ बिरहोयो धेमाजि जिल्ला आइजो अन्साइ आफादनि आफादगिरि सिला बसुमतारिआ। बेनि उनाव बर' हारिनि मुडै थाखाय जिउ बावलांनय गेदेमा सुबुंफोरनि मुडै बिबार बावजेनो धेमाजि जिल्ला आइजो अन्साइ आफादनि लेखइ आफादगिरि भारति हाजवारि बिथांजोआ। जिल्लानि सिडव थानाय दख'रा आइजो अन्साइ आफादनि दैदेनगिरि आरो ओन्सोलनि आइजो लाइमोनफोरखौ लाफानानै मोनसे थान्दै मेल जथुमनायाव मेलखौ बेखेवनानै होयो धेमाजि जिल्ला आइजो अन्साइ आफादनि बोसोनगिरि सुभारानि बसुमतारिआ। आइजोफोरनि सांग्रांथि, सोलोंथाइ, उन्दै बैसोआव जुलि जानाय, बिहामजो खारनायखौ सांग्रांथि होनाय गोबां मेहेर गोनां बिबुंथि लाखियो धेमाजि जिल्ला आइजो अन्साइ आफादनि बोसोनगिरि सुभारानि बसुमतारिआ। धेमाजि जिल्ला दुलाराय बर' आइजो अन्साइ आफादनि आफादगिरि सिला बसुमतारिनि आफादगिरि मासि लानाययाव गेवलां मेलखौ बेखेवनानै होयो एस.बि. बड'



गोजौ फरायसालिनि बारग' लेखइ गाहाइ फोरोंगिरि ललित चन्द्र बर'आ। गेवलां मेलआवनो बर'थुनलाइ आफादनि नेहाथारि सोरजिला औवारि बिथांजोआ बाहागो लानानै आइजोफोरनि गान्नाय जोमनाय, दानाय लुनाय, सोलोंथाइ लानाय, दानि थासायियाव माबादि आइजोफोरा सांग्रांथि जानांगौ बिनि सायाव आरो आइजो अन्साइ आफादनि दैदेनगिरि बिथांमोना माबायदि गामि ओन्सोलनि आइजो लाइमोनफोरखौ सांग्रांथि होनांगौ बेफोरनि सायाव गुवारै मेहेर गोनां बिबुंथि लाखियो। गेवलां मेलआवनो थांखिजानाय बुंथिगिरि महरै मिरु दुलाराय बर' फरायसा आफादनि नेहाथारि बड'सा ब्रह्म बिथाड आइजो

माहारिनि सोलोंथाइ बांनयनि सायाव गामि गफानि आइजोफोरखौ गोगो सोलोंथाइ लाहोनांगौनि सायाव बर' सिख्लाफोरखौ गुबुन जायगा एबा अरुनाचल बायदियाव खामानि मावनो थिनहरनायखौ बन्द' खालामनांगौनि सायाव आरो गुबुन हारिजों मैहुर खालाम जानायनिफ्राय गोजानाय थाहोने थाखाय गासै बर' हारिनि बिमा-बिफाखौ खवलायो। मेलआवनो जर'खा आलासि महरै धेमाजि जिल्ला खौसेथि बर' सुबुं आफादनि आफादगिरि रातिराम बसुमतारि, मिरु खौसेथि बर' सुबुं आफादनि गेलेमु नेहाथारि जनाइ आइटिडिपि बर्डनि चयारमेन फैलाव मुसाहारि, बि.टि.आर बायजोआव थानाय बारग'

बि.एल.टि आफादनि गाहाइ नेहाथारि बिसतिराम नाज्जिरि, बि. टि. आर बायजोनि बारग' एन. डि. एफ.बि धरमेसर बसुमतारि, एम. ए. सि मावफुं सोद्रोमा मलेन्द्र नाज्जिरि, बोखावजायै लक्ष्मीपुर जिल्ला बारग' बि. एल. टि आफादनि आफादगिरि सानसुमा बसुमतारि, धेमाजि जिल्ला दुलाराय बर' आयजो अन्साइ आफादनि बोसोनगिरि फुलेसरि दैमारि, गेजेर जनाइ दख'रा खौसेथि बर' सुबुं आफादनि आफादगिरि नेहाथारि, गेजेर जनाइ दख'रा दुलाराय बर' फरायसा आफादनि आफादगिरि नेहाथारि मावथि सोद्रोमा बिथांमोन आरो ओन्सोलनि राइजो-राजाफोर, आइजो मायनाय लाइमोनफोरा मैखोमै बाहागो लायो।

(1 बिलाइनिफ्राय)

गिबि मन्थि डू हिमन्त बिश्व शर्मानि लाफैनायाव राइज्यो सरकारिनि गागि बिबानगिरिफोरजों आध्यात्मिक गुरु सतगुरुआ सावरायलायदों

बिबानगिरिफोरनि माखासे सांथिनि फिन्नायबो होदों आध्यात्मिक गुरुआ। मख'नो गोनादि, राइज्यो सरकारिनि हांखायनायाव थानाय 2022 माइथायनि सेप्टेम्बर दानाव सदगुरुआ काजिरडआव सानथामनि हाबाफारिजों खुंनय मोनसे शिन्तन (सान्नाय-हनाय) बादायावबो बाहागो लादोंमोन। राइज्योनि गासै जौगाखानायजों लोगोसे गुबुन गुबुन खोन्दोआव मावफुंजानाय सोलायनायनि दावबायनायखौ गोखै खालामनायनि थांखिजों काजिरडआव राइज्यो सरकारिआ खुंथायनि गोजू थाखोनि बिबानगिरिफोरनि थाखाय बे शिन्तन बादाखौ खुंनय जादों। बादायाव बाहागो लानानै सदगुरुआ राइज्योआव खुंथायारि रोंगोथिखौ बांहोनायजों लोगोसे खुंथायारि राहानि गाहाइ बाहागो महरै खामानि मावनाय एबा मावबिबानाव थानाय बिबानगिरिफोरनि गावआरि जौगाखानाय आरो राइज्योआरि सिबिथाय होनायनि बिथिडव माबोरै मोजाडै खामानि मावफुंनो हायो बेनि सायाव मख'दोंमोन। बेनि अनगायैबो बे दावबाय समाव सदगुरुआ गिबि मन्थिजों काजिरड माहारिआरि पार्कनि थाखाय बेखेवनायजों लोगोसे काजिरडनि मिहि मुकआव आगुआव राइज्यो सरकारिआ हाग्रानि जुनात सरैखाथिनायनि बाहागो महरै सुरां मैहुरारिनिफ्राय बोखानाय गान्दानि गंफोरखौ सावनायनि जाय हाबाफारि लादोंमोन बे हांगारजों बानायनाय मोन्थाम गान्दानि मुसुखाखौबो बेखेवना होदोंमोन। लकसेवा भवनआव खुंनय दिनेनि बे हाबाफारियाव गाहाइ नेहाथारि डू रबि कता, पुलिस बिथोनगिरि गाहाइ हर्मि सिंजों लोगोसे खुंथाइनि माखासे गागि बिबानगिरिफोरा बाहागो लाफैदों।

खौसेथि बर' सुबुं आफादनि गोदानै दाजानाय मिरु मावफुं आफादनि दैदेनगिरिफोरा समायखिरा लाबाय

मोनसे मेलआव इडबिपनि बोसोनगिरि हेरस्वर नाज्जिरिआ गोदानै दाजानाय मावफुं आफादनि आफादगिरि मनुन्जन बसुमतारिखौ समायखिरा लाहोयो। बेनि उनाव गोदानै सायख'जानाय आफादगिरि मनुन्जन बसुमतारिआ गुबुन बिबानगिरिफोरखौ समायखिरा लाहोयो। आफादगिरि महरै समायखिरा लाखानायनि उनाव मनुन्जन बसुमतारिआ फेगो एसेमब्लिनि गेजेरजों बि टि आर बाइजोआव थानाय बर'फोरनि थाखाय मोजां फिथाइ थायाब्ला सोमावसारनायखौ जागायगोन होनानै फोरमायो। दिनेनि बे मेलआवनो गाहाइ आलासि महरै बाहागो लानानै इडबिपनि गाइसनगिरि आफादगिरि आरो बर' कछारी अन्साइ गावहायुंआरि खुंथाइनि गाहाय मावफुं सोद्रोमा मिहनिस्वर बसुमतारिआ बिथाड बुडोदि, बड'फा उपेन्द्रनाथ ब्रह्मनि दैदेनायाव बर'फोरनि संबिजिदारि मोनथायखौ मोनफुंनयनि थांखिजों बड'लेण्ड सोमावसारनाया जागायजेदोंमोन। सोलोंथाइ, हारिमुवारि, रांखान्थि, हा-हुनि जेना आरो गोबां जेनानि सायाव बर'फोरा सोमावसारनो गोनां जादोंमोन। बि टि आरनि बाइजोआव थानाय बर'फोरनि थागिबिफोरनि थाखाय दासिमबो हा-हुनि रैखाथि सोलोंथाइनि रैखाथि बायदि बायदि गोबां मेहेर गोनां बिबुंथि लाखियो। बेनि अनगायैबो बुंवावोदि, खौसेथि बर' सुबुं आफादआ फेबाय थानाय खम समनि गेजेरावनो मिरु जिल्ला दख'रा जुथायै सावरायलायनानै बि टि आरनि बायजोआव थानाय बर'फोरनि जेना जेसिखौ माबोरै सुसालांनंगो बेनि थाखाय गोबाव सम लानो नालिया होनानै गावनि बेसेन गोनां बिबुंथिनि गेजेरजों फोरमायो। मख'नो गोनादि, सिमेन सापरिनि जर'खा थान्दै मेलआव मनुन्जन बसुमतारिखौ आफादगिरि, बादल मुसाहारि, रन्जन बसुमतारि, ललित चन्द्र ब्रह्मखौ लेखइ आफादगिरि, पिताम्बर ब्रह्मखौ गाहाइ नेहाथारि, सनि बर', जतिन बर' खौ लोगो नेहाथारि आरो नेहाथारि प्रानजिता बर' सुसान्त मुसाहारि, मनेसर बसुमतारि, कविता बसुमतारि बिथांमोनखौ दोन्नाय जायो, घनकान्त महेलाखौ गाहाइ बुंथिगिरि आरो मुकन्द बसुमतारि, सोलोंथाइ नेहाथारि महरै जनाराम ब्रह्म, लोगो सोलोंथाइ नेहाथारि, थुनलाइयारि नेहाथारि महेस्वर बसुमतारि लेखइ थुनलाइयारि नेहाथारि जगेस्वर बसुमतारि, फैलाव मुसाहारिखौ गेलेमु नेहाथारि, निर्मल ब्रह्म, इला ब्रह्म, फुंजा मुसाहारी, अर्जुन बसुमतारि, जनक बसुमतारि, जितेन बसुमतारि, मदराम बसुमतारि बिथांमोनखौ हारिमु नेहाथारि गासैखौबो बिबान होनानै मोनसे गोहो गोरु आफाद दायो। दिनेनि बे मेलआवनो जर'खा आलासि महरै निवमिया बातानि खोरों बिलाइनि नेहाथारि नरेन कलित बिथाडबो बाहागो लानानै बुडोदि, बि टि आर गोजोन गोरुबथानि गेजेरजों गोजोन थासादि फेनाय बायदि बि टि आरनि बाइजोआव थानाय बर'फोराबो मोन्तो गोनां थामोन्थाखौ लाबोनो थाखाय नाजानांगोन होनानै मेहेर गोनाडै बिबुंथि लाखियो। मेलआवनो खौसेथि बर' सुबुं आफादनि बोसोनगिरि सुकेस्वर गयारि, बर' कछारी अन्साइ गावहायुंआरि खुंथाइनि मासिगिरि अनिल बसुमतारि, लेखइ मासिगिरि स्त्रिजन बसुमतारि, बर' कछारी अन्साइ गावहायुंआरि खुंथाइनि मावफुं सोद्रोमा बिनद बसुमतारि, बिथांमोनजों लोगोसे खौसेथि बर' सुबुं आफादनि जिल्ला दैदेनगिरि दख'रा दैदेनगिरि बिथांमोना मैखोमै बाहागो लायो।

बाक्सा जिल्ला दुलाराइ बाथौ गौथुमनि 7थि बोसोरसालिया जथुम्मा खुदों

मुसलपुर, 9 फेब्रुवारी: बाक्सा जिल्लानि नारायणपुराव सानसेनि मेहेर गोनां हाबाफारिनि गेजेरजों बाक्सा जिल्ला दुलाराय बाथौ गौथुमआ 7 थि बोसोर सालिया जथुम्मा खुंफुंदों। हाबाफारि बायदियै फुंनि 7:30 रिंगायाव गाहाइ हावग्रा गेटखौ बेखेवनानै होयो दिहिरा बियाबनि टि चि एल चि चि नि मासिगिरि उदय शंकर दैमारिआ। 8:00 रिंगायाव

गौथुमनि फिफिला बिरहोनाय 8:30 रिंगायाव गोथैसि बाउनाय 8:40 रिंगायाव फुंभिलिनि आर'ज गावनाय हाबाफारिखौ मावफु डे। फुंभिलि 9:30 रिंगायाव जथुम्मानि थान्दै मेलआ जागायो आरो बे थान्दै मेलखौ बेखेवनानै होयो दुलाराइ बाथौ गौथुमनि बुंथिगिरि गुनेस्वर स्वर्गियारिआ। हाबाफारि बायदियै सानजौफुनि 1:00



रिंगांनिफ्राय जथुम्मानि गेवलां मेलआ जागायो। आफादगिरि संगेस्वर गयारिनि मेल सामलायनाय बे गेवलां मेलखौ

मेल बेखेवगिरि आलासि महरै बाहागो लानानै बेखेवनानै होयो बड'लेण्ड हायुंआरि गौथुमनि बुंथिगिरि कातिराम बर'आ। मेल बेखेवगिरि आलासि महरै बाहागो लानानै बिथाड मेहेर गोनां बिबुंथिनि गेजेरजों गेवलां मेलखौ बेखेवनानै होयो। बे गेवलां मेलआवनो गाहाइ आलासि महरै बाहागो लायो दुलाराइ बाथौ गौथुमनि आफादगिरि सभा राम बसुमतारिआ। गाहाइ आलासि महरै बाहागो लानानै बिथाड राइजो-राजाफोरखौ थांखिनानै बाथौ धोहोरामनि सानथौ, सानसि आरो बाथौ धोरोमनि आधिखाल आरो इयुन बेखौ लानानै गुवारै बिबुंथि लाखिनायखौ नुनो मोनो। बे गेवलां मेलआवनो बाक्सा जिल्ला बाथौ गौथुमनि दैदेनगिरि सोद्रोमा बिथांमोनखौबो मेहेर गोनाडै बाहागो लानायखौ नुनो मोनो।

तामूलपुर बियाब दुलाराइ बाथौ गौथुमा 21थि बोसोरारि जथुमा खुदों

तामूलपुर, 9 फेब्रुवारी: तामूलपुर बियाब दुलाराइ बाथौ गौथुमआ तामूलपुर सदर थावनियाव थानाय तामूलपुर बियाबनि बाथौ थानसालियाव सानसेनि मेहेरगोनां हाबाफारिजों खुंगा 21थि बोसोरारि जथुम्माखौ गाजा-गोमजायै खुंफुंदों। फुंनि समाव दोहोरामारि फारफिला बिरहोनाय, आर'ज गावनाय, गोथैसि बावनाय हाबाफारिखौ लानानै बेलासेनि 2:00 रिंगायाव गेवलां मेल लानाय जायो। तामूलपुर बियाब दुलाराइ बाथौ गौथुमनि आफादगिरि उपेन बर'नि आफाद सामलायनाय बे मेलखौ बेखेवनानै होयो तामूलपुर ओन्सोलनि समाज सिबियारि समनाथ बसुमतारिआ। गाहाइ आलासि महरै नुजाथियो दुलाराइ बाथौ गौथुमनि गोथारि बखिस्त बर' आरो थि बुंथिगिरि महरै नुजाथि फेयो दुलाराय बाथौ



गौथुमनि फोसावदिं नेहाथारि कृष्ण कान्त बर'आ। मख'नो गोनादि, बे जथुमायावनो तामूलपुरनि ओन्सोलनि गोग्गाथाव बाथौसा आसामनि एपिएससि पास खालामनानै एसिस्टेन्ट अडिट अफिसार मोननो हानाय साजिब कुमार बर'खौ बरायनाय जायो। बेजों लोगोसे बे जथुमाजोंनो लोब्बा लाखिनानै सेबखांजानाय 7थि बिसान 'बैसोमुथि' मुंनि खुगा लाइसिखौ तामूलपुर ओन्सोलनि मुंदांखा समाज सिबियारि मिलन बर' बिथाड बेखेवनानै होयो।

गेजोन्नाय फोरमायदों आरो बर' फरायसाफोरखौ गावनि बेसेनगोसा समखौ ओरैनो हगारा लासिनो फरायनायाव गोसो होनो खवलायो। बेराफारसेथि तामूलपुर बियाब बाथौ गौथुमनि गाहाइ नेहाथारि थनेस्वर बर'आ बे जथुम्मानि गेजेरजों बाथौ दोहोरामनि खामानि मावनो बिथांखि लानायखौ फोरमायथियो।

(1 बिलाइनिफ्राय)

बि टि आरनि गाहाइ प्रमद बर' आरो एबसुनि आफादगिरि दिपेन बर'आ मिरु नख'र मन्थि अमित शाहखौ लोगो हमदों

नख'र मन्थिखौ लोगो हमनाय समाव एबसु आरो बि टि आर सरकारिनि दैदेनगिरिफोरा सिक्का सिडुलनि गोहो आरो खुंथायखौ गोहोगोरारिनि खालामनाय आरो काउनचलनि रांखान्थिखौ बांहोने थाखाय भारत संबिजितनि 125थि एमेण्डमेन्टनि सायाव सावरायनाय जायो आरो कक्राझार जिल्लानि सिडव थानाय दतमानि बड'फा फोथाराव खुंजानो गोनां दुलाराय बर' फरायसा आफादनि खुंगा 57थि बोसोरसालिया जथुमानि 15 एबा 16 मार्चआव गाहाइ आलासि महरै बाहागो लाफैनो थाखाय हांखायनाय जायो। नख'र मन्थिखौ लोगो हमहैनायाव दुलाराय बर' फरायसा आफादनिफ्राय आफादगिरि दिपेन बर', बि.टि.आरनि गाहाइ मावफुं सोद्रोमा प्रमद बर', राइज्यो सभानि एम.पि. रोन्गोरा नाज्जिरि आरो लक सभानि एम.पि. जयन्त बसुमतारिआबो बाहागो लायो।

गाहाम देहानि राहा

गोजां बोथोरावबो नारेंखल बिदैनफ्राय गोबां मुलाम्फा मोन्नो हायो

नारेंखलनि बिदैयाव भिटाभिन-सि, बि-कमप्लेक्स भिटाभिन, एन्टिअक्सिडेन्ट आरो एमिन' एसिडजों लोगोसे गोबां निउट्रियेन्टफोर थायो। सावस्त्रि रोंग'साफोरा सरासनस्त्रायै सानफ्रोमबोनि आदार बिथांखियाव नालेंखर बिदैखौ सोफादेरनो सुबुरुन होयो। नाथाय नोंथाड माब्लाबा सानदों नामा, नारेंखलनि बिदै लोंनायनि साबसिन समा मा? नारेंखलनि बिदैया सावस्त्रियाव गुसु गोहोम खोखलैयो। बेनिखायनो बेखौ गोजां बोथोरनि समाव थि समाव लोंनांगौ। आयुर्वेदनि बायदिव्ला, फुडव लोडेब्ला पुष्टिगोनां नारेंखलनि बिदैया बांसिन मुलाम्फा गोनां जानो हागौ। नालेंखर दैया गासै सावस्त्रिखौ साबसिन



खालामनायाव गोहोम गोनां जानो हागौ। नारेंखलनि बिदैखौ बिबुनि सावस्त्रिनि थाखाय मुलाम्फा गोनां होना मानिनाय जायो। उदैजों सोमोन्दो थानाय जेंनाफोरनिफ्राय रैखा मोन्नो थाखाय नालेंखर बिदैखौ आदार बिथांखियाव सोफानो हायो। बेजों लोगोसे नोंथानि सानखौ नालेंखर बिदैजों जागायजेन्नाया नोंथांखौ सानसे गोहो गोनां मोन्दांनायाव मदत होनो हागौ। मंनाय आरो लोरबांथिखौ

फोजोबनो थाखाय नारेंखलनि बिदैखौ नेमबादियै लोंनो जागायनो हायो। जुदि गुजुनाय एवा फ्लु दडब्ला नारेंखल बिदै लोंनायनिफ्राय गोजानाव थानांगौ। नारेंखलना गुसु, जायनि जाहोनाव बेखौ गोजां बोथोराव एसेल बिबाडव लोनांगौ, नडब्ला बेयो मोनसे पज्जिठभिन सोलायै नोंथानि सावस्त्रियाव गात्रि गोहोम खोखलैनो हागौ।

परेश रावलनि आंगो बिसिया मिस इउनिभार्स बिउटि पेजेन्टआव इन्डियाखौ रिप्रेजेन्ट खालामदोंमोन

परेश रावलना हिन्दी सावथुनफोरनि सासे मोजां फावखुंगुर। 2014 आव बिथांखौ पद्मश्री बान्थाजों मान बाउनाय जादोंमोन। बबेखानि बिथाडा साबसिन कमिडि फावखुंगुरनि फिल्मफेयार बान्थाबो मोनखांबाय। गोबां खम सुबुंफोरा मिबथिगौ जानांगौदि बिथांनि बिसिआबो खम नड। बिथांनि समाइना महरानो जा एबा बिथांनि क्वालिफिकेशनानो जा बिथांजों रावबो हाया। परेश रावलनि बिसिआ 1979 आव मिस इन्डिया जाखांबाय आरो बे बोसोरावनो बिथाडा मिस इउनिभार्स बिउटि पेजेन्टआव इन्डियाखौ रिप्रेजेन्टबो खालामदोंमोन। बिथाडा हिन्दी सिनेमा इन्डास्ट्रीआव बयनिखुइ बांसिन सोलेंथाय लानाय फावखुंगुरनि गेजेराव सासे। बिथाडा 80 जौथायआव माखासे सावथुनफोराव खामानि



मावदोंमोन। बै समाव बिथाडा बिकिनि सिन होनायावबो उन फारसे जाना थायाखैमोन आरो उनाव बिथाडा गावनि गोसोनि लुबैनाय बायदि सावथुनफोर मोनैआव बिथाडा सावथुन मुलुगनिफ्राय बिदाय लायो। बिथां स्वरुप सम्पतआ मिस इन्डिया जानायजों लोगोसेनो सासे मोजां फावखुंगुरिबो आरो आधिखालाव बिथाडा सासे समाजआरि मावसुमाबो। स्वरुप सम्पतआ गावसिनि समाव जोबोद समाइना

फावखुंगुरिफोरनि गेजेराव सासेमोन। बिथांनि जोनोमा 3 नभेम्बर 1958 आव जादोंमोन। बिथांनि बिफाया सासे थियेटरनि आर्टिस्टमोन आरो मोनसे एकाडेमि सालायोमोन। फारसेथिं

बिथांनि बिमायाबो सासे डायरेक्टरमोन। स्वरुपआ उन्दैनफ्रायनो सावथुनफोरव गोसो दंमोन। स्वरुपआ 1979 माइथायाव मिस इन्डिया जायो आरो बेनि उनाव स्वरुपनि थाखाय सावथुनफोरनि लामाया गेवो। बिथांनाव सावथुनफोरनि अफार्स फैनो हमो, जाय उन्दैनफ्रायनो बिथांनि सिमामोन। बे बायदिनो मोनसे अफारखौ मुंदांखा प्रडिउसार आरो डायरेक्टर यश चपड़ाआ बिथांनो होदोंमोन। 1981 आव 'नाखुदा' सावथुनाव बिथांमोनहा स्वरुपनो ब्रेक होदोंमोन। सावथुनाव बिथांनि

फावखुंगुरआ राजकिरणमोन। यशराजनि बेनारनिफ्राय डेब्यु खालामनो मोन्नाय साफ्रोम गोदाने फैनाय फावगिरिफोरनि थाखाय गिदिर बाश्रा जायो आरो बे सावथुननि उनाव स्वरुपनि थाखायबो सावथुनफोरनि अफार फैनया वाइन लायो। बेनि उनाव मुंदांखा प्रडिउसार, डायरेक्टर, लिगिगिरि ऋषिकेश मुखार्जीआ बिथांखौ गावसिनि गुबुन मोनसे सावथुन 'नरम गरम' आव लिड फावखुंगुरि महैर खास्ट खालामो। सावथुना गोबां हिट जायो आरो बेनि उनाव स्वरुपआ माखासे गिदिर गिदिर सावथुनफोराव साइन खालामो।

देंखोगिरि रिहानाआ एआइनि मैहर जानांदों

ए ड भा न स टेन्क'लजिनि समाव माल्टि मिडियाआबो गोबां मुलाम्फा मोनगासिनो दड। नाथाय बे मुलाम्फाजों लोगोसे माखासे खहाबो जादों, जायजों ग्लेमर वाल्ड'आ थानाय माखासे समनिफ्राय मोगा-मोगि जानांदों। बेयाव एआइ टुल्सखौ बाहायनायाबो मोनसे गिदिर जेंना महैर सोराडव फेदों। अाथिखलाव इन्डिसाफि मिनेटलिजों स्टारफोरनि सावरायगिरिफोर भिडिअफोर आरो गारांखौ लानानै सोलाय-सोल' खालामनाय जागासिनो दड आरो बेखौ ओरैबायदियै बानायगासिनो दड, जायखौ नायोब्ला सुबुंफोर फोथायालासे थानाय नडा। बिब्दोनो आधिखालाव आमेरिकानि देंखोगिरि-मेथाइ लिगिगिरि रिहानाजों लोगोसेबो जानाय नुनो मोन्दों। बिथांनि मोनसे बिडिअआ भाइरेल जागासिनो दड, जेराव बिथाडा गावनो गावनि प्रपाटि आरो लेविश लाइप स्टयलिखौ बाखायनाय नुनो मोन्दों। नाथाय रिहानानि अन्सायगिरिफोरा थाबैनो बिडिअनि नंगुबैखौ हमनो



हायो। रिहानाआ गावबो बेनि सायाव रिपेक्ट खालामदों। अदेबानि भिडिअआव रिहानानि प्रपाटिखौ रायखांनाय जादों, जायखौ एआइ टुल्सनि मदतजों बेकराउन्डआव रिहानानि भइसअभारखौबो बाहायनाय जादों। भिडिअआव रिहानानि प्रपाटिनि सोमोन्दै सावरायनाय जागासिनो दड। बेयाव रिहानाआ गावनो गावनि जिउनि दासिमनि बेसेन गोसासिन खरसा खालामनायनि सोमोन्दै मिबथि होदों। बेयाव मिबथि होदोंदि, बिथांनाव 13.8 मिलियन डलारनि मेनशन दड। बेनि अनगायै बिथाडा मिबथि होयोदि, लन्दनआव थानायनि 50,000 डलार न'भार होयो। बेनि अनगायै बिथांनाव 61 मिलियन डलारनि जेट प्लेन दड; जायजों बिथाडा जेरावबो थानो

हायो। देंखोगिरिया भिडिअआव बेखौबो मिबथि होयोदि, बिथांनाव लेम्बर्गिनी, मेबेक 57 आरो मासिडिजजों लोगोसे माखासे गारिफोरबो दड। नाथाय भिडिअआ जेब्ला सशेल मिडियाआव भाइरेल जायो, अब्ला अन्सायगिरिफोराबो बे बाश्राखौ मिबथिनायाव गोबाव सम नाडाखै जे बे भिडिअआ एआइ जेनेरेटेडसो आरो रिहानाआ गाव माब्लाबाबो बिब्दि खालामनो हाया। माखासे अन्सायगिरिफोरा भिडिअआव दाबि दिखाडेदि, रिहानानाव जेसेबांखि रां थाया मानो नाथाय बिथाडा मोनसे क्लासबो दड। बिथाडा बेबादि भिडिअ बानायनानै गावनि प्रपाटिनि सोमोन्दै बाश्रा सावरायनाय नड।

'हम आपके है कौन' सावथुननि थाखाय माधुरी दिक्षितआ गिबि सायख' जानाय फावखुंगुरि नडामोन

सलमान खान आरो माधुरी दिक्षितनि 'हम आपके है कौन' सावथुना हिन्दी सिनेमानि जारिमिननि बयनिखुइ बांसिन अन्सायजानाय सावथुनफोरनि गेजेराव मोनसे। दिनैसिम सावथुननि मेथाइ, बेनि सल', प्रेम आरो निशानि फावनि गेजेरनि के मिस्ट्रीखौ आन्सायगिरिफोरा मोजां मोनो। बावैसो सिगां डायरेक्टर सुजआर बड़जात्याआ इन्डियान आइडलआव गोजाम गोसोखांथिखौ रायखांदों आरो बे इशारिनी सावथुननि सोमोन्दै माखासे बाश्रा फोरमायो। बिथाडा मिबथि होयोदि, माधुरी



दिक्षितआ 'निशा' नि फावनि थाखाय फसायजानाय नडामोन। बिथाडा गिबियाव बे फावनि थाखाय करिश्मा कापुरखौसो

लानो सान्दोंमोन। 'प्रेम कैदी' आव करिश्मानि फाव खालामनायखौ नुनायनि उनाव बड़जात्याआ बिथांनि सायाव

गोहोम गोग्लैदोंमोन आरो बिथांखौ 'हम आपके है कौन' सावथुनाव लानो नागिरिदोंमोन। न'आव फेफिन्नाय समाव

बिथाडा गावनि बिफाजों बेनि सोमोन्दै बाश्रा सावरायो आरो बुडेदि, बिथांनाव गोबां गोहो दड। जों दा 'हम आपके है कौन' नि स्क्रिप्ट लिगासिनो दडआरो जोंनो निशानि फावनि थाखाय सोरबा सासेखौ कास्ट खालामनायनि गोनांथि दड। बबेखानि बिथांनि बिफा राजकुमार बड़जात्याआ बेनि सोमोन्दै रोखा नडामोन आरो बिथाडा सानोदि करिश्माआ बे फावनि थाखाय जोबोद उन्दै। बिथाडा मिबथि होयोदि, जोबनायाव निशानि फावआ माधुरी दिक्षितनि बाहागोआव गोग्लैयो आरो बे सावथुना बिथांनि केरियारनि साबसिन सावथुनफोरनि गेजेराव मोनसे जायो। गोबाव बोसोरनि उनाव करिश्मायाबो गनायोदि, जुदि बिथाडा थिग बैसोनि जायोमोनब्ला बिथाडा सावथुनाव निशानि फावखौ खालामनो मोनगौमोन।

सन्जय दत्तआ बलिउड सावथुनजों लोगोसे खोला सावथुन मुलुगआवबो खामानि मावगासिनो दड



बलिउडआव सन्जय दत्तआ गोबां मुं आरजिबाय। गावनि केरियारआव बिथाडा मोन 135 सावथुनफोर खालामदों आरो गावनि फावजों जर'खा सिनायथि होदों। नरगिस आरो सुनिल दत्तनि फिसाज्ला सन्जय दत्तआ 1981 माइथायाव 'रकि' सावथुनजों डेब्यु खालामदोंमोन। जागायजेन्नायाव बिथांखौ चकलेट बय नुनाय जायोमोन, नाथाय उनाव बिथाडे बे इमेजखौ 'कलनायक' बायदि सुपरहिट सावथुनजों सोलायना लायो। अदेबानि बिथाडा सावथुनजों लोगोसे जेंनाफोरवबो गोबां थादों। नाथाय बिथांनि फेन फल ईआ माब्लाबाबो बाडाइ जायाखै। नोंथांमोनहा मोनसे बाश्राखौ मिबथियोब्ला गोमोगोन, मानोनो बिथांनि सासे अन्सायगिरिया

दिक्षितआ 'निशा' नि फावनि थाखाय फसायजानाय नडामोन। बिथाडा गिबियाव बे फावनि थाखाय करिश्मा कापुरखौसो

लानो सान्दोंमोन। 'प्रेम कैदी' आव करिश्मानि फाव खालामनायखौ नुनायनि उनाव बड़जात्याआ बिथांनि सायाव

गोहोम गोग्लैदोंमोन आरो बिथांखौ 'हम आपके है कौन' सावथुनाव लानो नागिरिदोंमोन। न'आव फेफिन्नाय समाव

बिथाडा गावनि बिफाजों बेनि सोमोन्दै बाश्रा सावरायो आरो बुडेदि, बिथांनाव गोबां गोहो दड। जों दा 'हम आपके है कौन' नि स्क्रिप्ट लिगासिनो दडआरो जोंनो निशानि फावनि थाखाय सोरबा सासेखौ कास्ट खालामनायनि गोनांथि दड। बबेखानि बिथांनि बिफा राजकुमार बड़जात्याआ बेनि सोमोन्दै रोखा नडामोन आरो बिथाडा सानोदि करिश्माआ बे फावनि थाखाय जोबोद उन्दै। बिथाडा मिबथि होयोदि, जोबनायाव निशानि फावआ माधुरी दिक्षितनि बाहागोआव गोग्लैयो आरो बे सावथुना बिथांनि केरियारनि साबसिन सावथुनफोरनि गेजेराव मोनसे जायो। गोबाव बोसोरनि उनाव करिश्मायाबो गनायोदि, जुदि बिथाडा थिग बैसोनि जायोमोनब्ला बिथाडा सावथुनाव निशानि फावखौ खालामनो मोनगौमोन।

धर्मेन्द्र आरो बिग बिनि गोजाम भिडिअआ भाइरेल जागासिनो दड

1975 आव नुजाथिनाय 'शोले' सावथुना ब्लकबास्टर जादोंमोन। बे सावथुना मोनफ्रोम दोहौ सोमजिहोदोंमोन। बै समावबो आरो आधिखालावबो बे सावथुननि मुंदांखा जानायाव जेबो जेंना सोमजियाखै। सावथुनाव धर्मेन्द्र, अमिताभ बच्चन, जया बच्चन, हेमा मालिनी आरो सन्जिव कुमारखौ गाहाइ फावआव नुनो मोन्दोंमोन। सावथुनाव हेमा




मालिनीआ बसन्तिनि फाव दिन्धिदोंमोन आरो बिथाडा गावनि गराइ धन्'जों जेब्लायबो नुजाथियोमोन। सानसेखालि धर्मेन्द्रआ बिग बिनि स्व' कौन बनेगा करोड़पतिआव थान्दोंमोन, जेराव बिथाडा बिग बिनाव धन्'खौ लानानै सौलु सौदोंमोन, जायनि उनाव अमिताभ बच्चनआ जोबोद मिनिनो हम्दोंमोन। धर्मेन्द्र आरो अमिताभ बच्चनआ जयै माखासे सावथुनफोरव खामानि मावदों आरो बांसिन सावथुनफोरानो हिट जादोंमोन। केबिसिआव जर'खा आलासि महैर नुजाथि हैनाय धर्मेन्द्रआ बिग बिनाव

सौदोंमोनदि, शोले सावथुनाव धन्' मुनि गराइआ जो नालामोन? बे सौलुखौ खोनानानै बिग बिआ गिबियाव मोखांखौ खेंस्ता खालामो उनाव धर्मेन्द्रआ बुडे, मा नोंथाडा नोजोर होआखैमोन। बिग बिआ बेनि फिनायाव बुडेदि, औ आंबो नोजोर होआखैमोन नाथाय मुजों थाडोब्ला जो जानांगौ। बेनि उनाव धर्मेन्द्रआ बुडे थार फिनाय। धर्मेन्द्र आरो बिग बिनि बे गोजाम भिडिअआ गोबां भाइरेल जागासिनो दड। बेनि सायाव सुबुंफोर मुजिथाना आइकनिक सावथुनमोन आरो बेनि

केरेक्टरआ मुंदांखामोन। गुबुन सासेया लिरोदि, गुड वान धरमजी। मख'नो गोनांदि, शोलेआव अमिताभ बच्चनआ धर्मेन्द्रनि जाहोनावसो फावखौ मोन्दोंमोन। बे फावखौ शत्रुघन सिन्हाआ खालामनो गोनांमोन नाथाय उनाव धर्मेन्द्रआ अमिताभ बच्चननो बे फावखौ होदोंमोन। जायनि उनाव शत्रुघन सिन्हाआ बिथांखौ गात्रिबो मोन्दोंमोन। बे बाश्राखौ धर्मेन्द्रआ गावनो मोनसे इन्टरभिउआव फोरमायदोंमोन। बे बोसोराव अमिताभ बच्चननि शोलेजों लोगोसे दिवार सावथुनावबो नुजाथिदोंमोन आरो हिटबो जादोंमोन।

सेफ आलि खान आरो रानि मुखार्जीनि 'हम तुम' सावथुना बक्स अफिसआव मोजां रं आरजिनो हादोंमोन

सेफ आलि खान आरो रानि मुखार्जीनि 'हम तुम' सावथुना बिथांमोननि केरियारनि साबसिन सावथुनफोरनि गेजेराव मोनसे होन्नानै मानिनाय जायो। बे रमान्टिक कमिडि सावथुना दिनैसिम कल्ट क्लासिक जानानै दड। दिनैसिम बेनि मेथाइफोरखौ नायगिरिफोरा जोबोद मोजां मोनो। बे सावथुना 2005 आव रिलिज जादोंमोन आरो बेयाव अबिषेक बच्चन आरो ऋषि कापुरआ केमिय खालामदोंमोन। सावथुनाव सेफनि बिफानि फाव



खालामनाय ऋषि कापुरआ सिगाडव बाडाइ सिनिन थाखाय बे फावखौ खालामनो बादोंमोन। बावैसो सिगां अलिना जिसेक्टसनो होनाय मोनसे इन्टरभिउआव डायरेक्टर

कुणाल क हलिआ गोसोखाडेदि, माबोरै बिथाडा 'हम तुम' सावथुनाव ऋषि कापुरखौ कास्ट खालामामोन। बिथाडा सावथुननि थाखाय नेवसिदोंमोन। जेब्ला आं

बिथांनाव सौलु खालामो जे मानो, अब्ला बिथाडा बुडे गेस्ट एपियरेन्स दड; आं खालामना। कहलिआ बुडेदि, कुणालआ उनाव ऋषि कापुरखौ फुस्तायनायाव जाफुंसारो। बेनि उनाव कुणाल कहलिआ फोरमायोदि, यश चपड़ाआ बिथांखौ आरो आदित्य चपड़ाखौ 'हम तुम' सावथुन बानायनो थाखाय गासै 7-8 कौटि रं होदोंमोन। कुणालनि सिगांनि सावथुना 'मुझे से दोस्ती करोगे' आ गिदिर बाजेतआव बानाय जानायमोन आरो बेयाव

ऋतिक रशन, रानि मुखार्जी आरो करिना कापुरआ खामानि मावदोंमोन। सावथुना बक्स अफिसआव मोजाडै नो दिन्थिफुंनो हादों। बेनिखायनो बिथांनि गुबुन मोनसे सावथुननि थाखाय बाजेतआ जोबोद खममोन। बबेखानि 'हम-तुम' सावथुना जोबोद हिट जादोंमोन। 8.5 कौटि रंआव बानाय जानाय 'हम-तुम' सावथुना बक्स अफिसआव 42 कौटि निखुइ बांसिन रं आरजिदों। बे सावथुना सेफ आलि खाननि केरियारआव खुथिया जादोंमोन।

आसामनि नयनमनी शङ्कियाआ नेसनेल गेम्सआव जास्मिन सोरजिदों

गुवाहाटी, 9 फेब्रुवारी: आसामनि नयनमनी शङ्कियाआ नेसनेल गेम्सआव लनबलआव गंसे सनानि मेडेल देहानायजों जास्मिन सोरजिदों। बिथानों लोकोसे बंगिता हाजरिकाआ उत्तराखण्डआव खुं जानाय बे गेम्सआव आइजोफोरनि जावजाआव सनानि मेडेल देहानानै राइज्योनि मुंखौ गोजौआव लाखिदों। बिथामोननि अनगायै एथलेटिक्सआव अमलान बराहाइआ हौवाफोरनि 100 मिटर खारनायाव 10.40 सेकेन्ड समजों ब्रन्ज मेडेल देहानादों। बे इभेन्टनि 12 सान जोबनायनि उनाव आसामआ गासै गं 33 मेडेल देहानादों। जायनि फारिआव गंथाम सना आगे 15 यै रुफा आगे ब्रन्ज मेडेलजों आसामआ मेडेल फारिलाइआव 20 थि थावनिआव जायगा मोन्दों। नयनमनी



शङ्कियाजों लोकोसे बंगिता हाजरिकाआ बे समाव गोखोडै दिन्थिफुदों। जेराव नयनमनीआ सोलिफु बे गेम्सनि थानाय खेब 5 खुंथायाव बाइइसिनआवब्लाबो गंसे सनानि मेडेल देहानाय जास्मिन सोरजिदों हादों। जेराव बिथाडा गावनि केरियारआव नेसनेल गेम्सनिफ्राय गासै गं 7 सना आगे गंथाम ब्रन्ज मेडेल देहानाव।

बिथानि अनगायै लन बलआव पुथुल सनवालआ हौवाफोरनि सिंगेल्सआव ब्रन्ज देहानादों। जेराव हौवाफोरनि 4 आव बितपन राभा, अमन तेरन, भिमान नाथ आगे बिस्वनाथआ ब्रन्ज मेडेल देहाना हादों। जेराव आसामआ लन बलआव गासै गंसे सना, गंथाम रुफा आगे गंभा ब्रन्जजों गावसोरनि अभियानखौ फोजोबनो हादों।

मनिपुर आगे मध्य प्रदेशआ आइजोफोरनि हकी बादायनायाव देहानादों

इम्फल, 9 फेब्रुवारी: मनिपुर आगे मध्य प्रदेशआ हरिद्वारआव खुं जानाय 38 थि नेसनेल गेम्सआव आइजोफोरनि हकी बादायलायनायाव गोखोडै दिन्थिफुनायजों देहानादों। बे साननि बेखेवनाय मेचआव मनिपुरनि आइजोफोरा बान्जायगिरि उत्तराखण्डखौ 5-2 गलआव फेजेन्दों। जेराव देहानाय हान्जानि जानानै ब्रह्मसारि मारुं सरिता देबिआ 3 मिनट, सुमन देबि तौदामआ 24 मिनट, सानु लासेन्बि कुन्द्रा कपामआ 44 थि आगे 47 थि मिनटआव गल सोनायनि अनगायै देबि निरुपमआ 51 मिनटआव गल सोदों। गुबुन



फारसै बान्जायगिरि उत्तराखण्डनि जानानै सुलनी फिलकभालआ 2 आगे 49 मिनटआव गल सोदों। उत्तराखण्डआ बे मेचआव खेबबे जेनायनि उनाव बादायनायनिफ्राय जायखारनां बाय। बबे खानि

मनिपुरआ 4 पइन्टजों पुल बिआव ब्रैथि थावनिआव थादों। बेनि उनाव मध्य प्रदेशआ पुल-ए मेचआव सोनाब बंगखौ 2-1 गलआव फेजेन्नानै जौसिन मासिआव थादों। निलान्जली रयआ बे मेचआव 19 थि मिनटआव

पेनाल्टि कर्नाखौ गलनि महर होदों आगे 35 थि मिनटआव अन्जली गौतमआ मध्य प्रदेशनि थाखाय गल सोदों। सोनाब बंगनि थाखाय सुबिला तिकीआ 37 मिनटआव पेनाल्टि कर्नाखौ गल सोनो हादों। हौवाफोरनि इभेन्टआव महाराष्ट्रआ पुल बिनि मोगा-मोगिआव बान्जायगिरि उत्तराखण्डनि हेंथायै 2-1 गलआव देहानादों। गबिन्द सिंह भिस्टआ मेचनि 5 थि मिनटआव गल सोनानै बान्जायगिरिखौ 1-0 गलआव आवगायहोजेन्दोंमोन। नाथाय महाराष्ट्रनि केप्टेन सुनिल बालमिकीआ 14 आगे 26 थि मिनटआव मोन्नाय पेनाल्टि कर्नाखौ गलनि महर होनानै

हान्जाखो देहानादों। महाराष्ट्रआ सोलिफु समाव 7 पइन्टजों नैथि थावनिआव थादों। बबे खानि उत्तराखण्डआ बे समाव खेबबे मेचआव 1 पइन्ट' आर्जिदों। बेनि उनाव गेलेनाय मेचआव कर्नाटकआ मनिपुरखौ 4-1 गलआव फेजेन्नानै पुल-एआव जौसिन मासिखौ लादों। कर्नाटकनि जानानै बे समाव गनेश मज्जिआ 18 थि, सुर्ज एनएनआ 31 थि, भरत महालिंगप्पा कुर्ताकतिआ 54 थि, समन्तआ 55 थि मिनटआव गरसेयै गल सोदों। जेराव जेन्नां नाय हान्जानि जानानै इरेबाम रहित सिंहआ 47 थि मिनटआव गल सोनो हादों।

गुवाहाटी टाउन क्लबआ बरदले टूफीआव सनापुरखौ फेजेन्दों



गुवाहाटी, 9 फेब्रुवारी: गुवाहाटी टाउन क्लबनि हान्जाया बरदले टूफीआव गावसोरनि गोखौ आगानखौ लाखिनो हादों। गुवाहाटी नोगोरमनि साइ कमप्लेक्सआव खुं जानाय 70 थि बरदले टूफी फुटबल सेम्पियनसिप (कामरुप मेट्र लेग) नि गोखौ बादायनाय मोगा-मोगिआव गुवाहाटी टाउन क्लबआ सनापुर एएसएखौ 3-2 गलआव फेजेन्दों। जेराव मोननैबो हान्जाया बे मेचआव जागायजेनायनिफ्रायनो गावसोरनि गोखौ आगानखौ लाखिदोंब्लाबो गुवाहाटी टाउन क्लबआ बासिन मुलाम्फा लादों। ऋत्विक् पाटकआ बे मेचआव गुवाहाटी टाउन क्लबनि जानानै मोनसे ब्रेस्ट (2 गल) सोनानै बयनिबो गोसोखौ देहानादों। जेराव अमर बाहदुर भिजेलआ हान्जानि जानानै थामथि गलखौ सोदों। बेराफारसै सनापुर एएसएनि थाखाय लाबनस्टार तारि आगे मुकेश रहनआ गल सोदोंब्लाबो हान्जाखौ जेनायनिफ्राय थैखाथि होनो हायाखे। बे खेबआव एएसइबिएससिआ एएसएआइएससिनि हेंथायै सेलेन्जआव ओंखारगोन। ओस्सोलारि अन्सायगिरिफोरनि सिगाडव बे मेचआव गुवाहाटी टाउन क्लबआ गोखोडै दिन्थिफुदों।

मनिपुरआ 4 पइन्टजों पुल बिआव ब्रैथि थावनिआव थादों। बेनि उनाव मध्य प्रदेशआ पुल-ए मेचआव सोनाब बंगखौ 2-1 गलआव फेजेन्नानै जौसिन मासिआव थादों। निलान्जली रयआ बे मेचआव 19 थि मिनटआव



थियारि खालामनाय जादों। सिन्धुनि अनगायैबो बे थियारिनि बादायाव लक्ष्य सेन आगे एडसएस प्रनयजों लोकोसे सात्विकसाइराज रेन्करेड्डि आगे सिराग शेंत्तिनि जावजाआ मुखुबआव दड। मख'नाय जायोदि, सिन्धुआ बे तुर्नामेन्टनि थानाय सिजनआव ब्रन्ज मेडेल देहानाय हान्जायाव दडमोन। सिन्धुआ ससेल मिडियानि गेजेरजों जानो गोनां बे इभेन्टआव गावनि हान्जाजों हाथिनो हानाय नडेखौ रोखा खालामो।

जेराव बे जेनानिफ्राय बारग'नो नाजादोंब्लाबो सिन्धुआ सोलिफु समसिमावबो गावनि मोजाडाव फैयैखौ फोरमायदों। भारतनि हान्जाया बे इभेन्टनि थाखाय गुप-डिआव रानार्सआप खोला करिया आगे माकाअजों लाखिजादों। जेराव भारतआ फे गौ 12 फेब्रुवारीखालि माकाअनि हेंथायै गावसोरनि सेलेन्जखौ जागायगोन आगे अखानायै थामहिनबा 13 फेब्रुवारीआव खोला करियाजों सेलेन्जआव ओंखारगोन।

डिमा हासावनि बेनला केम्प्राइआ नेसनेल गेम्सआव गोग्गानाय लाबोदों



लाइमोनसिन सोद्रोमा महरै गावनि दिन्थिफुनायजों बयखौबो सोमोनांहोदों। बिथाडा टाइकण्ड गुप पुम्से टीम बादायलायनायनि सेमिफाइनलाव अरुनाचल प्रदशजों जेन्नादों। अब्लाबो बिथाडा ब्रन्ज मेडेल देहानायजोंनो गोग्गानाय लाबोदों हादों। बेनला आगे बिथानि हान्जाया पुडुसेरिआव थानाय 3 दाननिफ्रायनो नेसनेल गेम्सनि थाखाय थियारि खालामबोदोंमोन। जेराव बिथामोनहा डिमा हासाव टाइकण्ड एएस'सिएसनि कच आगे गाहाइ नेहाथारि अनुज के हाग्जेरनि नोजोर होनायाव थियारि जाबोदों। बिथाडा टाइकण्ड पुम्सेनि हारिमायारि रेफारि बिभा भुषन चक्रवर्ती आगे टीम इन्डियानि जानानै हारिमायारि फोथारआव आगान होबोनाय एथलीट हर्ष सिंघानिफ्रा'यबो मदद मोन्दों। डिमा हासावनि थागिबिफोरा बेनलानि जाफु'सारनायाव गोजेन्नाय फोरमायदों। डिमा हासाव गावखुंथाय गौधुमनि गेलेमु आगे लाइमोन जौगाखां बिफाननि इएम प्रभिता जहरीनि मदद आगे दैदन्नायजों बिथाडा बे गेलेमुनि फोथारआव सिगांफारसै आवगायनायनि लामा मोन्दों।

हाफल, 9 फेब्रुवारी: हाफलनि तुलाराम रजिनि थागिबि 18 बोसोर बैसोनि फरायसा बेनला केम्प्राइआ उत्तराखण्डआव खुं जानाय 38 थि नेसनेल गेम्सआव ब्रन्ज मेडेल देहानायजों जिल्ला आगे राइज्योआव गोग्गानाय लाबोदों। रामेन्द्र आगे एनला केम्प्राइनि फिसाजो बेनलाआ आसाम टाइकण्ड हान्जानि बयनिखुइबो



आसाम सरकार



माहारियारि देहा मावथांखि, आसाम

माहारियारि फिलौ होबथा सान

(1-19 बोसोर बैसोनि गेजेरनि गथ 'फोर आगे बैसो जानायफोरनि थाखाय)

10 फेब्रुवारी, 2025

नोंथाडा मिबथिगौना ?

जायफोर गथ 'फोरनि फिलौ दड...

जाग्रा आदार मोजां नडै आगे एनेमियानि जउनाव मेंनाय मोन्दांथिनो हागौ। बिसरो मोनसे लोरबां देहायारि मेलेमारि जौगानायजोंबो भुगिनांनो हागौ।

फिलौ सनदेरनायखौ होबथानो गोरलै



आसुगुरखौ साखोन-सिखोन आगे गुसुं ला



आखायखौ साबोनजों सु, जर'खायै जानायनि सिगां आगे खिखरसालि बाहायनायनि उनाव



जुटा/स्लीपार गान



लांदां जायगायाव खिनो नाडा। जेब्लायबो खिखरसालि बाहाय



नोंथानि सोरगिदि साखोन-सिखोन लाखि



फिथाइ आगे मैगं-थाइगंफोरखौ गोगो देजों सु



गोगो दै लों

फिलौ होबथानाय टेबलेटखौ फरायसालियाव थांग्रा गासै गथ 'फोरनो फरायसालियाव होनाय जागोन

माहारियारि फिलौ होबथा सानआव जायफोर गथ 'फोरा नुजाथियै एबा लोमजानायनि थाखाय थांनो हायाखै बिसोरनो 17 फेब्रुवारी, 2025 सिम न'सिम थांनानै टेबलेट होथारनांगोन

आसा आगे अंगनबादि मावथिफोरा गासै अंगनबादि मिरुफोराव फिलौ होबथा टेबलेटखौ लाहोगोन आगे 1-19 बोसोर बैसोनि गेजेरजनि गासै गथ 'फोरनो फिलौ होबथा टेबलेट लाहोनायखौ न'सिम थांनानै रोखा खालामगोन

दिथागिरि/बिमा-बिफाफोरखौ गावसोरनि न'सिम थांनाय समाव देहा मावथिफोरजों हेफाजाब होफानो खावलायो

एलभेनडेजल टेबलेटआ बाहायनायनि थाखाय रैखाथि गोनां आगे वर्ल्ड हेल्थ अर्गेनाइजेसन (डब्लिउएडसअ)जों गनायथि जानाय

(NHM/D/2024-25/548)

बांसिनै मिबथिनो थाखाय नोंथानि आसा/एएनएमजों फोनांजाब खालाम एबा हेल्प लाइन नं. 104 आव कल खालाम